



Гъунаргу, инсаншивугу, кӀинничалт кунна, цацӀу

Уттигъанну дуняллия лавгсса Аьрасатнал ва Дагъусттаннал лайкъ хьусса художник Альберт Хаджаевлул дирхьусса суратирттайн я шайхту, зумату итххяххайва хӀайран хьусса чӀумал учайсса махъру: «авуршиву», «ххуйшиву», «яргшиву», «куртӀшиву»!

8
ЛАЖ.



ШУШУ

№14
(2232)

10 АПРЕЛЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкӀессар 1917 ш.
ЦӀунил итабакълан бивкӀессар 1991ш.



Къамулсса хьуннав зул зумарду



Гъази-Гъумучиял Хьун-Мизит

цӀакъ шавриву. Цуллуну-сагъну зана хьуннав Украиннал аьрщи неонацизмалуца марцӀ дуллалисса жулва вирттал. Палестиннал аьршарай дяввилул цӀу лещаннав! Бусурмантал – дакъаврил ва ччаврил умматри. Ислам – цинярда элмурдал, гьарца хьинмунил дайдихьур, хьиншиврул гьанур. Исламрал рукнурдал мукьилчинмур рукну Рамазан зуруй зума дугъавур. Муниату, гьар цилла шартӀирдашала, рукнурдашала, адабиртгашала къамул хьунсса куццуй, жува хӀарачат барду Рамазан барз зумарду дугълай, Аллагнаха эбадат дулла, хьиншиву, хьинбалартту булла гьан буван. Зу дургьуцири зумардугу, ифтардугу Аллагнал къамул дуваннав, зул дуардахьхун жаваб дулуннав ялунчӀингу Рамазан зурул хӀурмат буруччин, Аллагнаха эбадат дуллан цӀулушиву дулуннав!

ХХИРАССА ЛАКРАЛ ЖЯМАТ!

ДакӀнийхтуну Дагъусттаннал бусурмантурахь – циняв уссурваврахь ва ссурваврахь, барча тӀий буру Зумаритавал байран! Циняв бусурманнан мубараксса Рамазан барз къуртал хьушиву исват буллалисса ва ххаллисса байрандалушала гьарца дагъусттанлулнал къушлин духханнав ххаришиву, талихӀ-тирхханну, паракъатшиву ва барачат. Вихну буру исламрал лавайсса даражалул рувхӀанийсса ххазинартту кумагну хьунтӀишиврийн жулва жяматрал имандалул даража лавай бавриву, миллатирттал дянив аслахӀшиву, хӀурмат-бусравшиву

«Порт-Петровскалал ассамблеяртту» фестивальданул хьунин

Апрельданул 9-ний «Дагестанская правда» кказитарал пресс-центрданий хьунни Дуняллул халкъунал дянивсса «Порт-Петровские ассамблеи» музыкалул XVII фестивальданул хьунинсса пресс-конференция. КӀива зуруй лахъи лагантӀисса фестиваль дайдишинтӀиссар апрельданул 15-ний.

Республикалул культуралул оьрмулугу хьунмасса кӀану бугълагьисса фестивальдания, ванил лагрулий хьунтӀимуния бусан букӀун бия Дагъусттаннал культуралул министр Зарема Буттаева, Дагъусттаннал паччахӀлугьрал филармониялул директор Абакар Хайруллаев, филармониялул художествалул каялувчи Ирина Нахтигаль, Дагъусттаннал халкъунал артистка Диана Увайсова.

Фестиваль дуллалиссар Дагъусттаннал паччахӀлугьрал филармониялул «Культура» национал проектрал лагрулий ва Дагъусттаннал Культура-

15
АПРЕЛЯ
18:30
ЗАЛ КУМЫКСКОГО ТЕАТРА

КОНЦЕРТ - ОТКРЫТИЕ
Концерт ре минор для клавира с оркестром
И.-С. Бах «Кофейная кантата»

СОЛИСТЫ: ДИАНА ОКТАВИАН (СОПРАНО) ДЕНИС ФЕДОРЕНКО (БАС), САМАТ ШИХЖЕНЕТОВ (ТЕНОР)
КАМЕРНЫЙ ОРКЕСТР ИМ. С. ХРЖАНОВСКОГО
ДИРИЖЕР – ЗАРИФА АБДУЛЛАЕВА




лул министрствалул чӀаравбацӀаврийну.

Гъашинумур музыкалул форум концертирттал ккалданийн ва вай нанисса чӀумуйн бувну цила тарихраву яла хьунмамур хьунтӀиссар. Фестиваллал концертирттал личи-личисса журардаву музыка ххираминнан цанна-цанна хӀаз дизайнамур лякьинтӀиссар.

Фестивальданул лагрулийсса цалчинна-цалчинсса концерт хьунтӀиссар апрельданул 15-ний Къумукьнал театрлану. Дайдихьу сьят 18:30.

Бадрижамал АБЛИЕВА

Дарбантлив яргесса ифтар

Апрельданул 6-нний Дарбантуллал паркраву хъусса, Дагъусттаннал бакІчи Сергей Меликовлул цаниятуса ифтарданийн бавтІунни 10 азарунниха ливчусса инсантал.



Республикалул шагъурда-ясса ва шярваллаваасса хъамал бакъагу, гуртту хъунни 9 кьатІаллил билаятраясса ва-киталу. ХъьичІ кьинива Дагъусттаннайн бивкІсса бусурман билаятирттал – Бангладешнал, Иракьнал, Ираннал, Къаза-хъисттаннал, Мавританиянал, Малайзиянал, Пакистаннал, Турциянал ва УзбакІстаннал вакилтал Сергей Меликовлушал Нарын-Къалалийх бивкІссия. Сергей Меликовлул, бавтІцири барча буллау, Мубараксса Къурандалуваасса ххару тикрал

бувна: «Хъинбалдарансса давурттаву куннашал кув ччалли буккьяра...». Ванал дакІнийн бивтунна Дагъусттаннайн увкІсса ппурттуву Аьрасатнал президентнал увкусса, Аьрасатнаву дин кьукьин дуллаллиманая закондалул ххуллийсса тІалавшинна дуссар тІисса махъру. ЧурчІав дурна, ислам хъиншиврул дин душиврий, гъануми принципругу рахІму-цими, инсан тІайла ацІан уваву бушиврий. Меликовлул кІицІ лавгуна, Дарбантуллал ца кІичІираву мизитгу, килисагу, синагогагу,

арманиал храмгу бушиврулгу исват буллаллишиву, динну ва миллатру личІи къабуллай, бавкъуну, нахІуну яхъанай бушиву республикалул агъали. Ифтарданийн бавтІцириннал «Крокус Сити Холлдану» ливтІуцири дакІнийн бивчунна. Барча бувна Республикалул хъунаманал цала сипталіну, Муфтиятрал каба-къаврийну хъусса хІапизтурал конкурсрай ххув хъумигу. Адам Чергизовлун бахшишран буллуна Лада Гранта. Ваныхъун машиналул кІулли дуллуна Меликовлул. Дия ххув хъуминнан ялагу кьиматрайсса бахшишру. Ифтарданийн бавтІцириннаву личІиссава хІурматрай бия Палестиннаваасса лихъачалт. Дагъусттаннаяссагу, кьатІаллил билаятирттаяссагу инсантурал увкуна нашидру, Республикалул бакІчинал чулхасса, чІивимур хІажлийнсса б путевкалул ва «Умра-хадж» компаниялул чулхасса 1 путевкалул кІунурду бивккунна.

Байрандалул ахир-бахшишну хъуна фейервекиртталлал фон-тандалул шоу. Дарбантуллал мэр Рустамбек ПирмахІаммадовлул, бавтІцириннайн барчаллагърай, гъар шинах укунна яргну, лахъа-хъунну Зумаритавал байранну хъунадакъавансса пикри бушиву бивсуна.

ПатІимат РАМАЗАНОВА

Компаниярттайнсса вихшалдарал рейтинг хІадур дуллау бур

Апрельданул 8-нний хъунни ДР-лул ПаччахІлугърал тІювалул инспекциялул каялувчи Сергей Касьяновлул пресс-конференция. Муний ванал бивсунни «День собственника» тІисса Аьрасатнал проект бартдигъаврил хІакъираву.

Сергей Касьяновлул бусаврийну, ва проект бартдигълагъиссар апрельданул 13-нний июньдалул 13-ннийнин АьФ-лул циняв регионанай. Му чІумал управляющий компаниярттал дувайсар кьатрал собственниктурал собранияртту ва шинал мутталий дурсса давурттал отчет, ГИС ЖКХ ишла буну заочный журалий чІугу буллуна.

Идаралул каялувчинал бивсуна «День собственника» проект бартдигълай бушиву гъашину 10-чин.

«Проектрал мурад хъаныхъиссар чІимур чІумал ххал бигълагъисса масъалартташал кІул шаву, материаллу ххал дигъаву ва «Госуслуги Дом» приложениелий ягу ГИС ЖКХ «личный кабинетраву» чІу булаву цанма мажал бусса чІумал», – куна Касьяновлул.

Кьатрал собраниялий (общедомовое собрание) ялапарлувтураща бюхълай бур гъаз буван личІи-личІисса масъалартту, яла-яла кьатрал управлениялийн багъайми. Миннаша шайссар ххал дигъин управляющий идаралул дурсса даврил отчет, му идаралул собственниктурахъхъун информация булун аьркинссар 1-мур кварталданул ахирданийннин.

Сергей Касьяновлул тІимунийну, цІанасса ппурттуву онлайн собраниярттал бутІа билаятрай хъун хъанай бусса бур. Агарда 2020 шинал му формалий хъуну диркІхъурча цинярда 129 собрание, 2023 шинал сеуттилин хъуну дур 58 азарда.

«Дагъусттаннай чІявуквартирардал тІювардал фонд хІакъинусса кьини хъуну бур 4815 чІярузивурду дусса кьатта, миннува шинал аьмсса собрание

дурну дур так 3% кьатрал ялапарлувтурал», – куна идаралул каялувчинал.

Ми мероприятияртту бартдигъаврил хІакъираву Сергей Касьяновлул укун бивсуна : чІярузивурду дусса кьатрал ялапарлувтураща бюхълай бур компаниялия тІалав дуван шинал отчет, бивчІин цамур журалул управление, цІакъ дуван дуллалисса ремонтрансса тариф, цІакъ дуван кьатри ялун нанисса сезондалул чІумуйн хІадур даврил мероприятиярттал план.

Сергей Касьяновлул тІимунийну, вай гъантрай ДР-лул Госжилинспекциялул дурну дур хъунабакъаву, миккун оьвкуну бур общественниктурайн, эксперттурайн, управляющий компаниярттал вакилтурайн. Микку стратегиялул сессиялул форма-трай ххал диргъуну дур агъамсса аспекту. Миннуйн чул бившуну дузал дуван тІий дур управляющий организациярдал дулайсса хІаллихшиннайнсса вихшалалул ва качествалул рейтинг.

ХъуцІурдищал талан хІадур хъанай бур

Апрельданул 6-нний Дагъусттаннал Шярваллил хозяйстввалул ва бакІлахъиялул министрствалий министрнал цалчинма хъиривчув Шарип Шариповлул каялувшиврий хъунни хъуцІурдищал талатаву дачин даврил Республикалул штабрал заседание.

Ваний гуртту хъуна Россельхозцентрданул филиалданул каялувчи Жанна Казанбиева, Минсельхозпродрал аьршарал ва хъус-хъиншивурттал арардал управлениялул хъунама Жамбулат Шаибов, 12 муниципал райондалул бакІчитурал хъиривчувтал ва районнал шярваллил хозяйстварттал управленияр-

ттал хъуними.

Шарип Шариповлул тІимунийну, гъашину Россельхозцентрданул прогнозирттайн бувну, хъацІру бухлаган баврин хасъсса давуртту дуван багъну бур 53 азарда гектарданий.

– ЦІанасса ппурттуву дуллалисса хъиривляявурттал исват бунни хъацІру багъан бюхъ-

айшиву сайки 50 шярваллил хозяйствалул 46 азарда гектар лухччайн. ХъуцІурдищалсса талатаву аьршарай дачин дуллан тІий бур Самардал улклясса «Оплот» компаниялул. Авиа-циялул давуртту дуллан тІий бур Къизлардал райондалул «Кэмз-Авиа» ООО-лул, – куна Жанна Казанбиевал.

Заседаниялий бивсуна захІмат хъаныхъисса масъаларттан хасну дуллалисса давурттагугу.

Дагъусттаннал ХІукуматрал Председатель Абдулмуслим Абдулмуслимов гуртту хъунни республикалул медициналул идарарттан 42 цІусса санитар автотранспорт тІайла дукъаврил иширай.

Дагъусттаннал медициналул идарарттан – цІусса автотранспорт



(миннувацца 42 хІакъину).

– ХІакъину хъинсса иш хъунни – жува ласарду 42 машина, ливчІми ласунну ва шинал ахирданийнин. Ва кушуй жура цІуллушиву дурччавриву дуванну техникийсса модернизация, цанчирча яла агъамурну хъаныхъиссар цила чІумал къашайшалтран медициналул кумаг баву. ЖучІара дур хасъсса лябуккулул план, мунийн чул бившуну зунтІиссару жува. Дагъусттаннал халкъ жуйнна вихшала дирхъуну бур, – куна Абдулмуслимовлул.

ЦІусса автотранспортрал кІулли ларсун махъ Гумбетуллал райондалул централ азарханалул хъунмур хІакин ПатІимат Абдурауповал куна: «Уттигу ца санитар транспорт дулунни. Вания жун кумаг хъунтІиссар къашайшалтрачІан гъанну бикІан, минначІан чъясса мутталий бияван. АьФ-лул ХІукуматрал тамансса кумаг буллау бур социал программалун. Национал проектирдайхчил жучІа дурунни фельдшертурал 6 пунктрал ремонт, бунни 1 цІуссагу. Архсса зунттал шярваллавун къашайшалтрачІан хъьичІва духтуртал дучрай бияйсса бивкІссар, цІана тІурча бюхълай бур машиналий лавгун аьркинссар кумаг буван».

Транспорт дуллуссар азарханардал ва поликлиникарттал къашайшалт ва медициналул зулат аьркиннийн биян буллан, биологиялул материаллу, анализру, даруртту ххилан ва цаймигу аьркиншиннарду бартдигълан.

Дагъусттаннал азарханардал хъуними хІакинтурахъ аьла-ссалам буллау, Абдулмуслим Абдулмуслимовлул кІицІ бувна социал масъалартту бушиву Республикалул ХІукуматрал давурттал хъьичІ ххуттай.

Ванал тІимунийну, транспорт ларсун дур ДР-лул ЦІуллушиву дурччаврил министерствалул «ЦІуллушиву дурччаву» тІисса национал проектрал лагрулий. Архсса районнал ялапарлувтуран 2024 шинал ахирданийнин дучІан дантІий дур 178 млн кьуруширттансса 158 санитар автотранспорт

Мероприятиялул ахирданийн Абдулмуслим Абдулмуслимовлул бавтІминнан чІа куна давурттаву тІайлабацІуртту ва хъьичІуннайшивуртту.

«Илчи» кказитрал редакциялул кІул бувну бур лаграл районнал азарханардан машинартту булаврил хІакъираву: ца-ца машина буллуна бур Ккуллал, ЦІуссалакрал ЦРБ-дан ва Новостройрайсса 1-мур ЦРБ-лун.

Электросетирдал тагъар цалийн дуцин аьркинни

Аьрасатнал энергетикалул министрнал хъиривчув Евгений Грабчаклул каялувшиврий хъунни ДР-лий электросетирдал комплексрал тагъар цалийн дуцаврил ва муштаритал энергиялул вихшала дишинну дузал баврил федерал штабрал заседание.

Евгений Грабчак республикалийн 2 кьинисса кьуллугърал аьрххилий увкІун ур.

Штабрал заседаниялий Генеральный прокуратуралул вакилтурашал чачІу ххал бивгъуна республикалул Энергетикалул комплекс зузаврил даража лахъ баврил ва муштаритал цалийсса низамрай энергиялул дузал баврил масъалартту.

БатІаврий хъуннасса кьулагъас дуруна регионалий чІярузивурдайсса кьатри даву, миннул управлениялул сакиншиндарал ва энергоснабжениялул хІаллихшинну тІайлану дулаврил масъалартту законнацІун бавкъуну бикІан аьркиншиврух.

Евгений Грабчаклул кІицІ бувна, регионалул властирдал ва «Россети» ПАО-лул давуртту цанницІун ца даркъуну дуллан аьркиншиву федерал штабрал хІукмурду бартдигъаврил ххуллий.

Ва хъунаавкъуна Дагъусттаннал бакІчинашалгу. Вайннал ххал бивгъуна регионалул Электросетирдал комплекс лябуккан баврил ва ТЭК-раву дахханашивуртту шаврил масъалартту. ЛичІинува ххал бивгъуна республикалий электросетирдал оборуованиялул модернизациялул масъалартту.


ХІадур бивссар ХІ. АьДИЛОВЛУЛ

Дин, иман, ислам

Къамулсса хьуннав зул зумарду

Зумаритаврил Эдрал къини

Зумаритаврил Эдрал къини хьинну ххирасса къинир. Хатта, Аллагу Тааьланал Алжан ва къинир ляхъан бувсса, Алжаннубусса яла хьунмур муръ ва къинир бившусса. Жабраил малаик вахшишвирийн ихтияр увсса къинир. Муниву-са фазиларду, хьиншивуртту чIаруссар. Ва къини хьинсса амал баву, Аллагу чIявуну кIиш лагаву хьинссар. Дуаблухъун жаваб дулайсса, бунагьру шюшайсса, Аллагу шимилийну ургайсса къинир. Ва хьуну, баргъ лавгун махъ, Эдрал чак булланин, кIичирттаву, мизитирттаву, къатраву, чув-бухурчагу, такбирду бишавугу суннатсар, баянну оьвкуну. Эдрал хьху дуркIувкун, гьарца ливтIусса муьминтурал рухIру, ссаврун-ная лухчичинийн лирккун, цалла къатрал лагма шядиркIун, лагмара ккуранну дурну, оьвтIун дикIайссар тIар, инсантуран къабаярчагу: «Жугу, зу кунма дунияллий вай къатрал, вай хьуслил заллухьруну бивкIессару, жугу дакIнийн бичара, жухлуну цадакъагу бувара, жул гьаттардийн зияратгу бувара, дуарду дувара, жунгу жува бувсса хьинсса амал бакъа къалявкъунни», – тIий. Ва къини, ливтIуминнал гьаттардийн зияратгу бувну, миннаяту цадакъагу бувну, ххуйсса яннагу ларххун, ххуйсса хIалалсса дукра дурну, кулпатрангу, махъмин-нангу аваданшивугу дурну, кунначIан кув зияратрайгу лавгун, хIалалшивугу ласаву хьин-ссар, суннатсар.



Зумаритавал ссахI

«Насихатул-аьвам» тIисса чичру: «Хьус марцI дуван хьуслий закят ялув бувсса кунма, чурх марцI буван, зума дугьав-ривусса диялдакъашивуртту кIучI дуван, зума АллагначIа къамулну лякъин, зумаритавал ссахIгу ялув бувссар. Инсаннал дургьусса зума лухчичи-ссавнил дянив дарцIуну дикIайссар, ссахI букканнин ссавруннайн

къалахълай». СсахI буккан ялувссар гьарца бусурманчуннаяту – чIивисса икIу, хьунасса икIу, зума дургьусса икIу, къадургьусса икIу, зумаритаврил байрандалул хьхунугу, къинигу цалагу, цалва кулпатралгу дуркуну, ххишала шайсса хьус дусса ухурча. Мукумма, цайва нафакъа ялув-миннаятугу буккан ялувссар – кулпат-шарсса, оьрчIру, нинуппу. СсахI ялув шайссагу байрандалул хьхуну баргъ лавгукунни. Мунияр махъ ивкIуманаятугу, мунияр махъ бувсса оьрчIаятугу

буккан ялув бакъассар. СсахI буккайнигу ният дуван аьркинссар: «На ният дуллай ура (бура) фаризасса фитIрулул ссахI буккан ттухлува (шарссанихлу, оьрчIахлу, цама пурман (ихтияр) лавсьсса инсаннахлу) Хьунасса Заннайн Аллагу акбар» – куну. Агар ссахI ччянива булун къастирай ухурча: «На ният дуллай ура ва фаризасса фитIрулул ссахI буккан учайхту, ххи бан аьркинссар «чIун диян-нийн» куну. Гихунмай яла ттухлува, шарссанихлу ...ка ялув бувсса кушуй тикрал бувну. ЛачIайну ссахI буккан захIмат хьанай бухурча, Имам Абу ХIанифанал мазгьабрайн бувну, арцуйну буккан ихтияр дуссар. Абу ХIанифанал мазгьабрайн бувну, ца ссахI 3 кило ва 700 гр хIисав бувайссар. Арцуйну буклай ухурча, ният дувайссар: «На ният дуллай ура (бура) фаризасса зумаритавал ссахI имам Абу ХIанифанал мазгьабрайн бувну арцуйну буккан ттухлува (шарссанихлу, оьрчIахлу, цама пурман лавсьсса инсаннахлу) Хьунасса Заннайн Аллагу акбар», – куну. Дагъ-усттаннал Муфтиятрал баян бунни арцуйну къалмул ссахI 150 кьуруш хьанахьшиву, часага хIисав барча, 600 кьуруш, кишмитIутIуйну – 1000 кьуруш. Арцуйну ссахI булун ччиминнал лакрал шаннагу райондалийсса телефоннал номердугу вайнна: Ккуллал район – 8- 903- 499- 23 -83; ЦIуссалакIул (Новострой) – 8- 963- 414- 11- 77; Лакрал район – 8- 988- 777- 52- 42. Къамулсса хьуннав зу дургьуцири зумардугу, ифтардугу, гьарцагу Аллагнахлуну булла-лимургу!

ХIадур бувссар ПатIимат РАМАЗАНОВАЛ



Дуаьрттавацца ца

АьлхIамдулиллагь Раббил Аьламин. Аллагумма салли аьла МухIаммадин ва аьла аьли МухIаммадин васалим. Я Аллагу, цуксса гьалатIну, гьапулну, ссуссукуьну, сагъвийну дурну дунугу дуаь, Ина, цацIун дурну, къамул дува. Жу бувсса, абнтIисса, чIа-лачIисса, къьолтIисса бунагьирт-тал ялтту учIу. Жул ливтIусса нитти-буттал, уссур-ссуннал, арушIалла никирайх биян бува, дуаблу аманат увкуминналгу бунагьру шюша. Дунияллул балардаятугу, ахиратрал аьзав-аькъуваляйтугу ина буручча, Аллагу. КIивагу къатлул ххуй чул Ина жун нясив бува, Аллагу. Ина жул оьрчIан имангу, инава рязисса амалгу була, Аллагу! Жу чих мюхтаж мабара, Аллагу! Ина жухъхун ххуймур бангу, оьккимур хьун къабитангу тавпикъ дула, Аллагу, Таваккул ца Вийнни! Аллагумма салли аьла МухIаммадин ва аьла аьли МухIаммадин васалим. Аллагумма Аминь!

ПатIимат РАМАЗАНОВА

Школалул коллектив ца кулпат кунма



Апрель зурул 5-нний МахIачкъалалив 54-мур школалий хьусса ифтарданийсса хьамаллувравух Дагъусттаннал спортрал министрнал хьиривчу Гайдарбек Гайдарбеков, Расул ХIамзатовлул цIанийсса Национал библиотекалул директорнал хьиривчу МахIаммадрасул

МахIаммадрасулов, МахIачкъалалал кIулушиву дулаврил управлениялул хьунаманал хьиривмур Зумруд Багъдоева, вава управлениялул отделлал каялувчитал Эльмира Мурадханова, Зулгизат Абдулжалилова, аьмсса кIулушиву дулаврил отделданул хьунаманал хьиривмур Ариза

Абдуллаева, Шамхал поселокрал имам Амирхан МахIаммадов, «Ихлас» мизитрачIасса хьаннил мадрасалул хьунмур Сакинат Шагидова, «Ватан», ОАНО-рал директорнал хьиривчу ХIусайнов Арслан ва мукумма цаймигу бус-равсса хьамал бия. Мероприятие дайдирухьна



мубараксса Кьурандалул аят-тирттая. Хьамал, учительтал ва дуклаки оьрчIру барча буллал-лисса ихтилат бувна школалул директор Сапижат Мазаевал. МаркIачIан чаклил чIун гьан шайхту, школалийва хIадур бувсса столлах шьабивкIуна зума ритавриву барачатшивугу дус-сар, куннал куннахсса ччаву, хIурматгу цIакъ хьанахьиссар. Жунгу, школалул коллективран, ца кулпат кунма, ца ссупра-лух ккурки лаган ччай бия. Барчаллагьрай бура жушала шьабикIан бувкIисса бусравсса хьамаллурайну. РувхIанийсса

ххуттай цIакъну бацIарча, жула наслулуцIун, ялул нанисса никирацIун Аллагналгу кабакьинтIиссар. ЯлунчIингу ифтарду дуллансса цIулушиву дулуннав цинявнахъхьун!, – увкуна Сапижат Мазаевал. Рамазан зурул барачат гьарцаннайн бияннав, иман цIакъ хьуннав тIисса, циняв бусурманнан Заннал цими ва барачат чIа тIисса дуарду дурна хьамаллулугу. Ва жула асланса Виричувнал, НурмахIаммад ХIажимахIаммадовлул, яхIлувсса нину Сапижат Мазаева каялу-шиву дуллаллисса школалийгу барачат ликканнав!

ПатIимат РАМАЗАНОВА

Лакрал райондалия

Аьзизсса школалунсса бахшиш

Ккуллал райондалул бакIчи Шамил Рамазановлуя ва Кьизи-луртуллал райондалул бакIчи Рустам Татархановлуя «Дува бахшиш вила аьзизсса школалун тIисса» акциядул эстафета кьамул дурну, апрельданул 5-ний Лакрал райондалул бакIчи Юсуп МахIаммадовлул, цала кьуртал бувсса Вихьуллал школалун, ядигар бунни компьютер ва оьрчIру ГТО-лийн XIадур байсса ттупанча.



Вара кьини Юсуп МахIаммадов Гьумучиял школалийнгу ивну, ядигар бунни теннисрай буккай стол ва муницIун аьркинсса кьай-кьуй.

– Гьирарай кьамул дува ттула даврил уртактурая ва гьалмахтурая Республикалул бакIчи Сергей Меликовлул амрулийн бувну шуруши дурсса иXIсандалул марафон.

Аьзизсса школалул шартIру кьулай даврил ххулий укунмасса акция райондалул вивгу барча

хьинну чIалай, эстафета дуллая ура ттула хьиривчувтурахьхун – Абакар Кьюннуевлухьхун ва Явсупи XIамзаевлухьхун, райондалул ДепутатIурал мажлисрал хьунама Шяпи Шурпаевлухьхун.

Республикалул лагрулий тIурча, эстафета дуллая ура Цуссалакрал райондалул бакIчи МаматIи XIамзатовлухьхун ва Сергокьалаллал райондалул бакIчи МахIаммадовлул, – увкуна Юсуп МахIаммадовлул.

Дайдирхьунни интнил призыв

Аьдатравун дагьсса куцуй, апрельданул 1-ний Аьрасатнаву дайдирихьунни интнил призыв. Щала билаятрай кунна, ва иширан хас дурсса мероприятияртту най дур Лакрал райондалийгу.



Итникьини хьунни призыврал комиссиялул аьралуннаву кьуллугь бан тIайла буккансса оьрчIру язи бугьаврил ялувсса ирглийсса мероприятие.

Ва иширал ялув авцIуну ур райондалул бакIчи Юсуп МахIаммадов. Ванал кIицI лавгуна, Аьрасатнал Обороналул министерствалул баян бувсса куцуй, аьралуннаву кьуллугь буллан нанисса оьрчIру хасьсса аьралий операция нанисса кIанайн тIайла кьабуккантIишиву. Гьашину Лакрал ва Ккуллал районнал военкоматрал аьралуннаву кьул-

лугь бан тIайла уккан ккаккан увну ур 40 оьрчI. Цалчин наниннаву Лакрал райондалия гьан тIий ур 5 призывник.

Аьралий комиссариатрал зузалтрал бусаврийн бувну, повесткарду ларьсса цинявппа призывниктал ккаккан дурсса чIумал букIлай бур медкомиссия буван. Призыврал кампаниялул мероприятияртту най дур закондалул тIалавшиннардацIун даркьуну, пландалий ккаккан дурсса кьаралданий.

**XIадур бувссар
Зулайхат ТАХАКЬАЕВАЛ**



**МухIаммад (Ансар)
Сулайманов**

Апрель зурул дайдирихьунни Гьумучиял мизитраву имамну зий ивкIсса МухIаммад (Ансар) Сулайманов зунтIиссар цамур даврий: Дагьусттаннал Муфтиятрал просвещениялул Ккуллал райондалийсса отделданул хьунаману. «Хьунмасса

Ккуллал райондалия

Цусса даву барачатсса хьуннав

барчаллагдай ура нава Гьумук имамну зузисса ппурттуву ттул даврицIун кабакьу бувцириннай, чIарав бавцIуцириннай. Шикку имамну зий дурсса 2 шин ттун тачIавгу хьамакьаританссар. Ва мубараксса Рамазан зуруй, нава кьаччан бикIан бувсса ухьурчагу, ялтту учIу тIий ура», – тIий чивчуну бур ванал цала Телеграм-каналданий. Салманнул арс МухIаммад Хьовхьиял шьраватуссар. Ларайсса кIулшивуртту ларьсса, шанма диплом бусса инсанни: юристнал, экономистнал ва журналистнал. Дагьусттаннал Гуманитар-экономикалул факультетрай лархьуссар ванал лингвистика ва журналистика. Зий ивкIссар Москвавил юрист-

ну, Дагьусттаннайн занаикIайхту цал Инкассациялул управлениялий зий ивкIун ур, яла – диндалул даврий. МарцIну лакку маз кIулсса, мударану пасихIну лакку мазрай вяьзагу буккайсса имамри. Ваналли миннат хIисаврайсса ва калимагу:

– Ттул тавакьюри жулва миллатрахь: мабитару зулва оьрчIру ичIува куннашал кув оьрус мазрай гьалгьа тIун, лавхьин бувару лакку маз. Цана жува цIакьну ва иширал ялув кьабачIарча, 2-3 никирава жула маз бухлагаврия ниь дур.

Ккуллал райондалул агьалинангу, щалва миллатрангу барачатсса хьуннав ванал цIусса даву-кIану!

Патимат РАМАЗАНОВА

Субботникгу, ифтаргу ЦIувкIрав

Апрель зурул 6-ний Цалчимур ЦIувкIуллал шьраву утта-рашинна дия. Шагьурдая шьравун бувкIун бия жагьилтал, субботникгу дуван, шьраваллил цIусса мизитраву ифтаргу дуван.



мурад инсантал цачIунмай бавур, аьдатрайсса исламрал ххазинардал кьимат бушиву ккаккан бавур, вяьзардах, насихIатиртах вичIи дирхьуну, жува рувXIанийсса ирс-ххазиналул чаннайн буккан бавур», – увкуна XIажимурад Исеяевлул. «Шьравалу духьувкун, шикку бикIан аьркинссар мизитгу, нюжмаркьини мизитравун занан аьркинссар чиваркIгу. Агарда жагьилтал мизитравун кIункIу хьурча, шьраваллил рувXIанийсса оьрмугу ххуй хьунтIиссар. Ва жула мизит бачIва кьаличIаннав! Субботникгу, цачIу диртсса зумагу Аллагьнан кьамул хьуннав! Жущала шикку зун, зумаритан, бучIан ччай бунува, бучIан кьавхьуминнал ниятгу Аллагьнал кьамул даннав! Жул ният дуссар бусурманнан байранну, Зумаритавалссагу, Кьурбан-байрангу, буттал шьраву дуллансса аьдат цIакь дуван. Шагьурдаймигу, шьравумигу



ТIабиаьтралгу кавакьусса, дарусса кьини субботникрай гьуртту хьанахьиминнал, ччюрк, цинцI дартIун, марцI бувна мизитрал лагма-ялтгусса кIанттурду ва кIичиртту. Кьунниялай тIурча, маркIачIан чаклил чIун шайхту, зумагу диртун, чакгу бувну, циняв шьабивкIуна ссупралух мизитраву. «Укун, буттал шьраву жула батIавуртту чIяру хьуннав, жулва ппухь-

лу цачIу шьабикIлай, бизлай бивкIсса кунма, ялун нанисса никирангу жувару цашиврул, хIала-гьурттушиврул эьрат ккаккан дуллалисса. Жущала жула оьрчIру, миннал наслу мизитиртавану занарча, оьрчIнияцIара вайннал дакIурдиву цIакь хьанантIиссар исламрахьсса ччаву», – куна МахIачкьала шагьрулий юристну зузисса МухIаммад Юнусовлул. «Ифтардал гьанумур

жагьилтал гьурттусса давуртту дуллан», – увкуна шьраваллил имам МахIаммадрамазан Кьурбановлул.

Ва ЦIувкIуллал шьраваллил мизитравусса цалчинсса ифтар хьанай дур. ЦIусса мизит бувну шьраву мадарасса шинну хьурчагу, укун шагьурдайсса цIувкIулгу бавтIсса ифтар шьраву цалчин дуллалиссар.

Патимат РАМАЗАНОВА

Цуссалакрал райондалия Аьпалул хьуминнал хIурмат баву мурадрай

Рамазан барз кьуртал хьанахьисса гьантрай дайдишай хIатталлу ва лагма-ялттуса кIанттурду, марцI буккан бувну, низамрайн буцлаисса субботникру. Укунсса давурттайну исват хьанай бур жяматрачIа аьпалул хьусса инсантурал чулхунмайсса хIурмат лавайсса бушиву.



Гьарица шинал инттухуннай, Зумаритавал байрандалул гьантрай, Цуссалакрал райондалул агьулданул мудангу дайссар хIатталлу марцI дуллалисса субботникру.

Ва ххуллхьсса субботникрал сиптачиталну бувккуна Цуссалакрал, Цуссаккуллал, Цуссамихилтиял ва Банайюртулал шьраваллал бакIчитал. ХIатталлу лази-лакьи дуллалисса давурттавах хIала бувххунни шьраваллал администрациярттал бакIчитал, депутатьтал ва райондалул идарарттал зузалт. Хасьсса техника дучIан дурну, дуркьуна шикку дартIсса ччюрк.

– Ххал бара цуксса тIааьнну бурив, жува циньяппа цачIун хьуну, хIатталлугу, лагма-ялттуса кIанттурдугу марцI бувну, низамрайн бувчуну махь. Хьунмасса барчаллагь тIий ура давривух хIала бувхьсса циньяппагу зузалтрахь. КIицI лаганна, архIал зий, субботникру дуллай жяматрал дянивсса нахIу-хIалимшиву хьиннура цIакь шайшиву, –увкунна Цуссалакрал шьраваллил бакIчи Сулайман Рамазановул.

Ххувшаву ласунтIишиврийнсса вихшала цIакь хьанай дур

Ватандалул мюхчаншиву дуроччаврил цIанийсса масьалартту вIаьву хьусса спурттугу Цуссалакрал райондалиясса цикссагу жагьилтурал ккаккан бунни цивппа мийжаннугусса патриотьтал бушиву. Буньялагусса патриот ур Цуссаккуллал (Чараваллал) шьравасса Хатиев Залимхан Руслановичу.

Ва увну ур чIавусса оьрчIру бусса, захIмат буллай аьдатсса, циньявннан эбратрансса кулпатраву. Школалий хьхьичIунну дуккаврицIун, ва ивкIун ур гьалмахтурал чIарав ацIан хIадурсса, аьчухьсса хасият дусса оьрчI.

ЦIанасса спурттугу Залимхан лайкьсса даражалий бартбигьлай ур аьралий бигарду. Лахьхьу-цархьхьу школалул партардах шьабивкIун бивкIсса, ссалчIав буруккин кьабивкIсса оьрчIан хIакьину хьуннасса хьарлахьан багьлай бур. Хасьсса аьралий операциялий гьуртту хьанахьисса цума-цагу ялун нанисса никирансса эбрат хьанахьиссар.

2023 шинал декабрь зурул 23-нния шийнай Залимхан ур Луганскалал ва Донецкалал Халкьуннал Республикарттай аьралий бигарду бартбигьлай. Шиккусса талатавриву ва уссия кIусса шаву дирну. Битаххитавуртту дайдирухьсса спурттугу пострай уну, блиндажраву



Залимхан Хатиев

лаикIансса чIун дакъасса дус Залимханнул, цува ялун агьну, ххассал увну ур. ПIакьчавуртту кьуртал хьуну махь тамансса хIаллай цувагу кIулшилила лавгун ивкIун ур. Цайна цува

учIайхту, бувчIуну бур ттуплил цIалцIив шуну душиву. Щавурду дирсса Залимхан ва ванал дусдуки-хIачIия дакъа, связьрайн буккан кьахьанай 3 гьантлий ливчIун бур.

Гужсса бита-ххитавуртту, пIакьчавуртту дусса кIаная вай цукунчIав сагьну букканссар тIисса пикрищичIав кьабивкIун бур. ХIасил, ливтIушиврун ккалли бувну бур. Вай тIурча, цукуннугу ливчуну бур захIматсса тагьарданува.

ХIакьинусса кьини вирттаван ккалли бан бучIир Залимхану, ванахава лавхьхьусса, кьянкьа-кьурчIисса хасиятру дусса, хасьсса аьралий операциялий гьуртту хьанахьисса циньяппагу жула жагьилтал. ЧIалачIисса куццуй, вай мудангу хIадурну бур билатрал кашикьудрат гьаз даву, дунияллий хьин чулиннаисса дахханашивуртту шаву мурадрайсса давурттавах хIала буххан.

Барчаллагьри вас-щцах бакьа Ватандалул мурадру буроччачисса арсавран лайкьсса тарбия дуллусса нитти-буттан. Укунсса патриотьтал буссаксса, ххувшаву ласунтIишиврийнсса вихшала хьиннура цIакь хьанай дур.

Барчаллагь баян бунни

Цуссалакрал райондалул бакIчи МаматIи ХIамзатовлуйн ЦI36-мур гвардиялул мотострелковый бригадалул чулуха барчаллагь тIисса чагьар бувкIун бур.

Аьралий буржру бартбигьлагьисса бригада барчаллагь баян буллай бур гуманитар кумаг буллалисса бакIчинайн.

«ДакIнийхтуну асар хьунни жухара дуллалисса аякьа.

ХIакьинусса кьини ина кунма чумартсса инсантурал дуллалисса давурттан багьа бакьассар. Зу кунмасса патриотьтал жула аьралитурал махь буссаксса, ххувшаву ласунсса вихшалагу

ххишала хьанай дур», – тIий чивчуну бур аьралитурал бувкIсса чагьарданий.

Буньялагу, барчаллагьран лайкьссар кьучагьну аьралий буржру бартбигьлагьисса жагьилтурал махь бацIан хIадурсса уздансса инсантал.

Шиккува кIицI лаган, хась-сса аьралий операциялул гьурттучитуран ва миннал кулпатирттан цикссагу кIицI

лагансса кумагру буллай бур Цуссалакрал райондалул. Шикку хIасул бувну бур «Возрождение Родины» тIисса, аьралий операциялул гьурттучитуран ва вайннал кулпатирттан кумаг баву мурадрайсса ихIсандалул фонд. Ва фондравун кумагран арцу дирчуминнаягу чивчуну буссия «Илчи» кказитрай. Вай гьантрай ихIсандалул фондравун 100 азарда кьуруш дирчуну дур Аьрасатнал президентначIисса РАНХиГС-рал выпускник, Цуссалакрал райондалиясса Алхан Шовхаловул.

ХIадур бувссар
Имара САИДОВАЛ

Барчаллагьрал ххуттай

Гьарцагу шинах жу чара бакьа кIицI лагару подпискалул чIумалгу, укунмагу жула миллатрал кказитрал чIарав бацIан хIадурсса, мудангу бацIлацIисса иялчувтурал цIарду.

Редакциялул цIаниятугу, циньяппа буккултрал цIаниятугу байкьалитIайсса барчаллагьру баян буллай, бусраврал ххуллий цал уттигу зумух ласлай буру жула дустурал цIарду:

ХIамидлул арс Юсуп МахIаммадов

Сиражуттиннул арс Марат Илиясов

Сиражуттиннул арс Мираб Илиясов

Сиражуттиннул арс Марис Илиясов

Анвардул арс Артур Исрапилов

МахIаммадул арс Камил Давдиев

Сулайманнул арс ХIажи Аьлиев

Буйдалавл арс Арсен ХIусайнов

Аьлил арс Сапар Аьбдуллаев

Акбардул арс Жабир Абакаров

Михаиллул арс Артур Амуттинов

Абусупияннул арс Зиябуттин ХIажимирзаев

Жабраиллул арс Сиражуттин Кьардашов

Рамазаннул арс Шалласу Шалласуев

Рамазаннул душ Гульшан Хасаева

Сиражуттиннул душ Динара Маммаева

Орджоникидзел душ Мариян Кьаландарова

Нураттиннул арс Сулайман Маммаев

МахIаммадул арс АьбдурахIман Адамов

Баширдул арс МахIаммад Абакаров

МахIаммадул арс Аслан ХIусайнов

АхIмадул душ Марзижат Буттаева

ХIусайннул арс Давди Увайсов

Сайпуттиннул душ ПатIимат АьбурахIманова

Аьвдулхаликьлул душ Заира Кьапланова

ДамахIажинал душ Банавша АхIмадова

Нурулагьлул арс Зайнулагь Мирзоев

МахIаммадул арс Нурислан АьбурахIманов

ОьмахIажинал арс МахIаммадаьли МахIаммадаьлиев

МахIаммадул арс Малик Кьушиев

Жамалуттиннул душ Бэлла Багьдьева

Икрамлул душ Зарема Аьлиева

Кьурбаннул арс Аьли МахIаммадов

Аммал арс Оьмар Жалалов

АхIмадул арс Мямма Алхулаев

Сагидлул арс Михаил Мудуев

ТIагьирдул душ КьурбанпатIимат Штанчаева

Подписка 2024

Ххирасса «Илчилул» буккулт!

ЧИЧАРА ККАЗИТ

Баян буллай буру дайдирухьшиву
УФПС-райхсса

2024 дачIи шинайнсса «Илчилул» подписка!

Лакку кказит зуша бучIан бан
хьанахьиссар укунсса ххуллу-ххуттайх:

Федерал почталийх:

● дачIи шинайнсса - 542 кь. ● зуруйсса - 90 кь.

Дагпечатьрайх:

● дачIи шинайнсса багьа –175 кь. ● зуруйсса - 29 кь.

«Почта России» сайтрайхчин:

<https://podpiska.pochta.ru/press/П7046>

● дачIи шинайнсса - 542 кь. ● зуруйсса - 90 кь.

Редакциялийхчин Дагьусттаннал дазул кьатIув:

● дачIи шинайнсса - 1375 кь. ● зуруйсса - 230 кь.

Чирилунсса давуртту

Чумартсса дакІнива нанисса гъилишиву

Дагъустаннай чІявучин бавссар хасъсса аьралий операциялий талатиминнан хъамул чирахъру буллай бусрав хъусса Ильясовхъал кулпатрая. Та яла захІматсса кьурукІинтил чІумал аьралитуран цала дакІнива ва каруннива нанисса гъилишиву бахшиш дуллай, вайннал, мйяжаннугу, хъуннасса чирилуд даву дурссар.

Ахъушиял райондалий дирхъусса лакрал шархъавасса ца дур Цуликъяннал шярвалу. Миччасса бур жула вирттал ХІажи ва Маржигу. Аьрайн чирахъру гъан буллансса пикри ХІажинан хъуну бур, кулпатран мунал пикри ххуй бивзун, вагу, га цана хІала бувххун, чІарав бавцІуну бур.

– «Московский комсомолец» кказитрай на бувккуссия аьралитуран хъамул чирахъру аьркин хъанай бур окопирттаву гъилишиву дан, укунмасса пачура лахъан кьабучІину буну тІий. Навагу армиялий аьвкъу-гъили хъуссара, саллатІнал тагъар дурчІлай, дакІ цІун диркІуна. Интернетраву чирахъру байсса куц ххал бувну, Маржил ттун аьркинмур шаллу дуллай, жу зий байбивхъуру, – буслай ур ХІажи.

ИчІаллия дуссукъаттагу бувну зий, хасъсса аьралий операция байбивхъуния шихунмай вайннал гъан бувну бур аьрайн 8300-нния ливчусса чирахъру. Цанагу гъан бан хІадур бувсса кьуршал бувцІуну бия цаламур квартирагу, вай давуртту дуллан бувгъусса чІаравмургу. Ильясовхъал чирахъирттая чяни бавну бур, кІул хъуну бур. Вай тІайла букланмигу чяни льявкъуну бур.

– ЩубутІуй жучІату чирахъру ласун букІлай бия Жяматийсса палаталуд, Халкъуннал фронтрал, «Патриоты России» партиялуд вакилтал, яла чячяни аьралитурачІан лагайсса «Волонтеры Победы» суккушиннарал (жу жувагу ва ккурандалуд члентал хъанай буру) каялувчи МахІаммад ХІусайхановлушал тІайла буклан бивкІру, – буслай бур Маржи.

Аьралитурал дянив Ильясовхъал цІа чяни машгъур хъуну дур. ХІатта акциярдал лагрулий бувсса цайми чирахъругу букІлай бунугу, ХІажинал, аьркинсса куцуй, усттарну бувсса, ххуйну лахъайсса, ххуйну гъили байсса Ильясовхъалми тІалавну бивкІун бур. Гуманитаркалуд хъирив приемный пунктрачІан бувкІсса аьралитуралгу найбуна учайсса бивкІун бур, жун Ильясовхъалми булара куну. Вайннайн цимилгу оьвкуну бур мастер-классу ккаккан бан «Россия – моя история» паркравун, школардайн.

БувчІлай бур, укунсса даврин бихълахъисса захІматрацІун, аьркинмур ласунсса арцугу аьркинни. Нитти-буттал сипта хъин чулий ккарксса хъунама арснал ХІамзатлуд щубутІуй цала чулуха 200 кг парафиндалуд ларсун дуллуну дур. Мунияр махъгу ва цимилагу нитти-буттал дуллалимунил чІарав авцІуну ур. Вайнная бавну, инсанталгу цашава



ХІажи ва Маржи Ильясовхъал



АьралитурачІа

шайсса кумаг буллан бивкІун бур. Парафин бутІинсса банкардал масъала Маржин шаллу буллан багъну бур. Дайдихъулий, ласнал цала пикри бувсъсса чІумал, Маржи бивкІун бур, парафинния машан ласунна, на вин банкри чув ляхълава тІий. Амма бажар бусса Маржил миккугу чаран льявкъуну бур. Хъунисса ттучанну бусса цинма кІулсса, гъансса инсантурахъ тавакью бувну бур, салатру дурну махъ дачІра хъусса хъюрувал, муниципал банкри экъимадичари куну. Цал мюршисса банкравун, яла хъуниссаннуну бутІлай, даву нирхиравун дагъну дур. Цалами чирахъру ххишалану тІалавну бусса чІалай, Маржин пикри хъуну бур цала лишангу дан. ЛачІун дуллан бивкІун бур

чирахъирттай «Тепло от семьи Ильясовых» тІисса этикеткарттугу.

– ЩубутІуй шаллусса кьини картон каних кьукълай ХІажинал кару кьурттал дурицІуну дуссия, яла станок машан ласарду. Ци захІматшивуртту духъурчагу, цаймигу лагма лаган буллай, даву дацІан кьаритарду. Ва шала кьатта картоннал ва банкрал бувцІуну бивкІссар, сукку хъунсса, ша бизансса кІану бакъа, – буслай бур Маржи.

Му чІумалнин Ильясовхъал кулпатрая циньяннан бавну бур. Хаснува вай машгъур хъуну бур республикалуд бакІчинал миллион арцул буллуну махъ. Ва ишгу укун хъуну бур. Ильясовхъайн оьвкуну бур РГВК-лийн прямой эфирданийн.

– На инсантурахъ кумаг бара тІий, чІатІала хъуну бувххунна, хъирив лаллай бакъара, на Сергей Алимовичлуд гъан хъунна, – увкуну бур Маржил ласнахъ. ХІажинан му пикри шала ххуй кьабивзнугу, передача кьуртал хъуну махъ Маржи гъан хъуну бур МеликовлудчІан. Вай приемрайн чивчуну бур. Хъунабакъин бувкІсса чІумал республикалуд бакІчинал цІухху-бусугу бувну: «Материалдания кьатІурчагума, зун захІматрахъ харж булун аьркинссия. Уттиния тийнмайгу зузияра зула давриха», – куну, миллион арцул итабакъин ккаккан бувну бур. МуницІун, вайннал цала дуссукъатта тІитІин бувгъусса квартиралухгу дачІи шинайсса, 300 кг парафиндалуд ва 2000 банкулхъуссагу арцу дул-

луну дур.

– На навагу аьраличувра, ттун кІулли зу дуллалимуния цуксса хайр буссарив, – увкуну Меликовлуд. Ца чирахъ цанмагу бахшиш бувссия хъамакьабитулун, – буслай бур Маржи.

Цилами арцугу ванил, лув дагъан кьариртун, га цІана цала дуллалимунин харж дай. Аьрайн чирахъру гъан буллалиний, тай оьрчІру посылка тІиртІукун ххари хъувча тІий, дишай нацІукъацІугу, жуларду ва виханнагу. Цикссагу барчаллагъ тІисса роликругу дуркІун дур вайннайн аьралитурая.

Аьдатравун багъсса Маржи чирахъирттал посылкарттайну кьуртал кьавхъуну бур. Ванил сукку дурну дур аьралитуран шану-кІараллу батІлатІисса акциягу. Цуппа зузисса кІанттурдай буслай, группардавун дичІлай, статусирттай баян буллай, дартІун дур диялсса, бачІи кьай духхай машина бувцІусса, шану-кІараллайхъ дишинмур. Ва Маржи кьабикІанссия ми диян дангу цуппа кьалавгъессания. Мариуполлайхъ, Бердянсклайхъ Токмакрайн бияннин лавгун бур цишала аьралитуран кумаг батІлай бивкІсса РМЛ-рал (Республикалуд чІяру профиллу дусса лицей) учительница Гулизар Мажидовнашал, ванил ласнашал ва МахІачкъалалуд 37-мур школалуд учительница Сидрат Аьлибековнашал.

– КІива машина бувгъуну лавгъессару. Белье дакъассагу, жушал дуссия зувиллийхъайсса жува цІил щинаву бивхъусса каландалуд балонну. Калан цала чулуха чІаххувчувнал буллауна. «Дари Добро» ккурандалуд душварашал циньяв лагма лавгун, ххюра литралуд пластмассалуд балонну ларсун дуцІарду. УчителитурачІа школалия бавтІисса гуманитар кумагу бия. Хъунзахъиял 2-мур школалуд оьрчІал дартІисса арцугу, зура ласияра аьркинмур куну, жухъхъун дуллауна. Минних жу госпитальданийсса аьралитуран махІсив ласарду. Инсантал цала дартІмур жуйн вихшала дуллай, жучІан ларсун букІлай бия. ХІасил, фронтрая архъ бакъасса госпитальданийн бувкІун, шикку ликкан дарду дачІи кьай. Аьралитал, цивппа букІлай, ласлай бия шичча. Жу хъинну ххари хъуру Украиннал аьршарай жува хъунабакъин МахІаммад ХІусайханов увкІукун. Ва жуяр хъхъичІ лавгун тийх ия. ТІайламур бусан, ххуллийхъ жувалу наниний нигъ дия, яла, жула оьрчІру бусса кІанайн бивкун, цичІав бакъая. Госпитальданий жуйн бакІрайн багъунни лаккучув, яручув, чачан, ингуш, азирбижан.

Хъусрашатусса Аьлил нинугу, ва цувагу ттун кІулссия шихун бучІаннингу. ХъхъичІвагу, ниттил мунал гуманитар кумаг гъан бара куну, гъан бувссия. Госпитальдания жу лавгру цамур поселокрайн, лирчІми кьай ликкан дан. Тиккугу лаккуоьрчІ хъуна-авкъуна, ТІаннул ЦувкІратусса. Гъай-гъай, тийх жула мазрайсса гъалгъа баян тІааьнну бия. Тай жуцІагу, жу тайннацІагу ххари хъанай бивкІру, – буслай бур аьрайнсса цила аьрххилия Маржи.

Утти, гъили дагъувкун, окопирттансса чирахъру кІинттул, ссуттил чІумал кунма чІявусса аьркин багълай бакъар. Му да-



Чирилунсса давуртту Чумартсса дакІнива нанисса гъилишиву



→ вугу цахъис чан хъуну дур. Амма бацІайссарив Маржи. Танкарду кІучІ дансса къртту дурухлахисса цила дуснан, Зайнавун, кумаг буллай булукъуну бур. На бувкІсса чумалгу къери дайсса материалданул бакІу бия ванил ичІува, шарда кукълан ларъссар тІий. Цилами кІисригу кукъари хъуну бия.
– ДакІ рахІат дуккай ттушава

аралитуран кумагран ци-дунугу дан хъурча, – тІий бур Маржи.
Цила дуллалисса чумартсса даврихлу Маржи лайкъ хъуну бур ПаччахІлугърал наградалун – АхІмад-Хан Султаннул медальданун, мукунма Дагъусттаннал Хъаннил союзрал чулухасса «За любовь к Отчизне» медальданун, Дагъусттаннал бакІчи Сергей Меликовулл Барчаллагъран.

Ми дакъассагу, ХІажинан ва Маржин буллуну бур Дагъусттаннал Миллатрал политикалул ва диндалул иширттал министерствалул чулухасса Барчаллагърал чагъарду, «Русич» тІисса ихІсандалул фондрал чулухасса ХІурматрал грамотартту.

Чумартшиву, дакІнил хъиншиву, дугъришиву инсаннан оьтту-ттурчІавух дулайхъунсар. ХІажинан ва Маржин ми хасиятру цала нитти-буттайх дирсса дур. Таний, чІавуминнал шагърулий къатри дакъасса чІумал, ХІажинал нитти-буттачІа, МямачІа ва ПатІичІа, ликкайсса бивкІун бур шярава бувкІсса инсантал. Хаснува чІавусса хъамал бикІайсса бивкІун бур нувши баххайсса сезон дайдирихъусса чІумал. «Уттушин кІану бакъа, буттукърай уттушайссия», – буслай ур ХІажи. Мукунма шагърулия шяравун бувкІми къамулгу бувну, увкІнахъхъун ссайгъатгу бивхъуну, тІайла буккайсса бивкІун бур Маржил нитти-буттал, НурмахІаммадул ва ПатІимал. КІицІ лаган, Маржи политикалул ишккакку, ПаччахІлугърал Думалул депутатну ивкІсса Мамма Маммаевлул ссур.

Ильясовхъал бур шанма оьрчІ. Хъунама арс МахІачкъалалив цала бизнесрахун агъну ур. КІилчинма арс Иваново шагърулий цала кафе тІивтІуну ур. Душ Москвавилв ординатуралулу дуклай бур.

ОьрчІругу, нитти-буттал дуллалимур хъин чулий ккаклай, шайсса кумагру буллай бур.

ХІакъинусса къинигу Ильясовхъал цаламур квартирагу, бувгъумругу аьрайн гъан дан ХІадур дурсса посылкартал бувцІуну бур. Чирину бацІаннав.

Андриана АБДУЛЛАЕВА

Спорт Олимпиадалийнсса мяйра лицензия дурххунни

Апрельданул 7-ний Бакуй хъусса квалификациалул турнирданий Аьрасатнал лачІунбуккултрал полуфиналданул бьст-ччаллаву дурххунни Парижлив хъунтІисса Олимпиадалул тІуркІурдавух гьуртту хъунсса 8 лицензия.



29 шинавусса лачІунукку Аьлихан Жабраилов ххув хъуну ур украинлув Илья Архайлуяр 97 килорал кІушиврий. Артур Найфонов 86 килорай ххув хъуну ур Гуржиял муттаэ Владимир Гамкредидзеяр. «Спорт экспресс» кказитрал кІицІ баврийну, Аьрасатнал лачІунбуккултрал ларъсса лицензияртту цІардайнусса дакъар.

Греко-римуллал журалул лачІунбуккултралгу дурххуну дур 2 лицензия – Милад Аьлирзаевлул ва Сергей Семеновлул.

Мукъра олимпий лицензия ларсун дур хъаннил дянивсса лачІунбуккултралгу – Надежда Соколовал, Наталья Мальшеввал, Алина Касабиевал ва Ханум Велиевал.

Парижлив хъунтІисса Олимпиадалул тІуркІурдай гьуртту хъун спортсментураша бюхъан тІий бур, агарда миннал хъхъичІунсса кІантурду бугъарча майрал 9-12-ний Стамбуллай хъунтІисса турнирданий.

Дагъусттаннал лачІунбуккултрал шанна медаль дурххунни

Ореллай хъусса лачІунбуккавил Аьрасатнал Первенствалий Дагъусттаннал лачІунбуккултрал дурххунни 3 медаль.

80 килорал кІушиврий турнирданий ххув хъуну ур МухІаммад АхІмадов. Арцул медальданун лайкъ хъуну ур Арс-

лан Мирзаев (71 кило), чарвитул медаль ларсун дур МахІаммад АхІмадовлул (71 кило).
Дагъусттаннал пацІундур

командалул билаятрал Первенствалий цинярдагу ларсун дур 3 мусил, 2 арцул ва 3 чарвитул медальлу. Командарттавату бувгъуну бур 1-мур кІану.

**ХІадур бувссар
ХІасан АБДИЛОВЛУЛ**

«Талатиминнал дакІру гъили лаганшиврул»

Ца шинава цІуницІа, къинттулухсса фронтрай зузисса (чІавуссаннан, аьщуйн шуну учиннив, дяьвилул иширттая хавар бакъасса кунма, цайна къабагъайссар тІисса тарап дургъуну къушцу тІутІиминнан, бюхъай ва калима аьжаив дизангу) инсанначІан биврана. Ва инсангу къизгъинмур фронтрансса дарзире.



Шинал хъхъичІва на хъуна-бавкъуссияв СВО-лийминнан ва госпитальлай хъин хъанахъиминнан янна дурухлахисса, Геологиялул институтраву зузисса, ЦІуссакулув яхъанахъисса ПатІимат Базманова-шал. Бувсъссия ванил ичІува багъайкунсса «янна дуруххай чІиви цех» бушиву. Бувсъссия мунилгу, цайми уртактуралгу фронтран кумаг буллалисса даврия. ПатІиматлушал гъалгъа тІутІийни, асар хъуна ванил «талатиминнал дакІру чанссарагу гъили лаганшиврул» зий буру тІисса калима кІийла-шамийла тикрал дувавугу. Украиннаву аьралий ишру байбивхъуния махъ зийнмари бусса ПатІимат, уттигу «талатиминнал дакІру гъили лаган дувансса хІарачатрай». Ванил шалва къатта жура-жура мучІал бувцІуну бур. Вайннуя ванил усттарну буруххантІиссар госпитальлай хъин хъанахъисса, захІматсса цІунцІияртту хъуминнал базурдал лув бишинсса кІараллу-косточки. – СВО байбивхъуннихха, гъан-маччанал батІавурттава, бухху-буккулува бакъава хъуссар ПатІимат. Ва шалвагу тухумран ххирасса, цавагу ккалли бансса иш лях гъан къабитайсса инсанни. Аьралий ишру байбишайхту, къувтІунни ва давривун. Телефондалувух ихтилат буллагинийгума чІалан бикІай, ва цила ххал-ххалаххул даврилсса буллан анавар буклай бушиву. Къабубухурав, къабибгалаганнав куну цІуххайхтугу, жаваб цар дусса: дурухлантІиссара СВО къуртал хъуннин. Даврилссагу, къатта-къушлилссагу, къашавийсса ласналссагу бувну, мажал хъувкун, дурухлай шябикІай. Хъхъуния къини дурну зий бур, – тІий бур ПатІиматлул ссурахъу Самрат Горчханова. – Тай госпитальлайсса оьрчІан ттулва хІарачат аьркинну бушиву кІулну бунува, хъхъуния къини къадурну пайда къашайссар. Мюнпат бакъа ларгсса чІумул муттали хІайп тІун бикІара, ваксса хІаллай нава кІива-шанма кІаралу буруххансияхха тІий. Хаснува кІинттул лигъулул хъанай буххунсар тІий, дакІ аьратталну дикІайва, жу гъили январду дурухлай, тІайла дуклай бивкІру. Утти цахъисрагу дакІ пагъ кунни инт дучІайхту. Амма даву тачІавугу чан къашай, – тІий бур ПатІимат.

«Шъем для наших. Дагес-

тан» тІисса, талаталтран янна дурухлахисса группалува ца яла чялишмурди ПатІимат. Укунсса группарду Аьрасатнал цайми регионайгу бур. Вайннайн хІурматрай «швейные войска» учай. Бунияттунгу, аьралуннал баймур къинттулул буллай бур вай душру. ПатІиматлул наслугума гьурттуну бур ва давривух. На бувсъссия хъхъичІвагу, цал уттигу тикрал буван ччива ва хаваргу. ПатІимат СВО байбишиннингу мудан, детдомрал, интернатрал оьрчІан шайсса кумаг буллай, янналул кІюланан январду датІлай бикІайсса бивкІун бур. Цал укун дартІисса янналул бакІу ккавксса арснал оьрчІал (вай МахІачкъалалив яхъанай бусса бур) цІувххуну бур, ина уттигу детдомиртан датІлай бурав куну. Бакъара, Украиннаву оьрчІан датІлай бура увкуну бур, бувсун бур тийх дяьвилул ишру бушиву. Ца-кІира нюзмардува бувкІун бур арснал оьрчІру, цалла лаххиялул ва игрушкарттал чантайртту бувцІуну. «Гуманитар кумаг биян бувну бувкІсса Ума Аскарханова ккаккан дуллай бия группалува видео, танкалул хъхъичІ бавцІуну сурат ришун ччай буссиявча, танк гургу тІун диркІун, ва дачин най дурхха тІий, нибавххуну, хъхъичІа ливхъра тІий. Ттула арснал оьрчІал гъан дурсса кІукІу игрушка ккарккун танкрай, дакІивун ца гъилисса асар бувххуна. ОьрчІан ккаккан дувайхту, вайгу, циван ххари къахъуви, ххари хъуна», – тІий бур ПатІимат. Укунма ххари шайшиву бусай цалла дуруххусса лаххиялувусса аьралитурал барчаллагъ тІисса видеосуратру дучІайхтугу. Вай 2 шинал лажиндарай госпитальлайгу шавурду дирсса, цІунцІияртту хъусса циксса виртаван бучІи лывкъухъунсар ванил бурувххусса кІараллу.

– Так цІуллуну шаппай за-нахъуннав жулва чиваркІ, дуруххаврил, буххаврил иш бигъассар, СВО къуртал шайхту бигъалагантІиссару», – учай ПатІиматлул.

Ва дякъатлувусса мучІал бакІучІан анаварну бур. Ванил кІараллах госпитальлай ялугълай бур. Вай мучІал бакІурдия ПатІиматлул бувантІиссар къитІкъитІ бивтлса кІараллу. Усттарнал давугу дуван аьркинсар усттарну учарухха. Вагу къинттулухсса аьралий усттар бурхха, личІирив!

ПатІимат РАМАЗАНОВА

Уттигъанну дунияллия лавгсса Аьрасатнал ва Дагъусттаннал лайкъ хъусса художник, ххаллилсса пейзажист, шаллагу творчество зунттал билаятрал тарихрацун, культуралуцун, халкъуннал аьдатирттацун дирхъусса Альберт Хаджаевлул дирхъусса суратирттайн я шайхту, зумату итхяххайва хайран хъусса чумал учайсса махъру: «авуршиву», «ххуйшиву», «яргшиву», «куртшиву!» Булайхха Заннал инсанна гънар – ссехир бувсса кунма, пилча шуруши бувну, караматсса суратру загъир дувайсса. Амма художникнал даву, му цуксса гънар бусса ухурчагу, гънарданучла захматгу, захмат буллан гъира-гъавасгу аьркинсса давур.

Художникнал дирхъусса суратирттая бусласаву нахакъдансса давуна дизай ттунна. Шаэрнал шеъридая неьмат ласун шайсса ми ккаларчанни. Художникнал даврин кьимат бищун шайссагу мунал дирхъусса суратирттай тамаша буварчанни.

Дия Альберт Хаджаевлул гънардануцун захмат ххирашиву, цалла даву ххирасса ухъувкун, зунсса гъира ва гъавасгу. Хасиятрал ми лишанну цачу цакъ хъувкун, хасул шайхха ххаллилсса творчество, я шунал я бацлайсса караматсса суратру.

Гъунчукъатрал шяравасса цанихсса тухумрал арс увсар Буйнакскалий. Къурталбувссар тиккува Финансирттал техникум. Аьралий бурж биттур буллан Германнавун, Дрезден шагърулийн, тлайлаацлаву мунасса тлайлаацуну хъуссар, Дрезденнал галереялувусса суратирттай тамаша бувансса сант дагъну тий. Аьралий бурж биттур бувну махъгу, художникнал касму ххуйну лахъхин, тийхва авцуссар. 1962 шинал, Дагъусттаннайсса хъьичИва-хъьичИсса хъамитайпалеххул Бавер Жяпаровал овкуну, Дагъусттаннайн занахъуссар ва «Темп» тисса (уттисса «Дружба») кинотеатрданул художник-рекламистну зий ивкИссар. 1972 шинал къуртал бувсар Ттуплисулал Художествалул академия, живописьрал факультет. Магъиршиву лахълай ивкИссар Гуржиял халкъуннал художник, паччахьлугърал премиялул лауреат, ца ларгсса профессор Санадзел мастерскойлуву. Академия къуртал бувну махъ, ДАССР-данул Культуралул министерствалул тлалав увну, зий ивкИссар Жамаллул цанийсса Дагъусттаннал худучилишалул преподавательну.


Альберт Хаджаев Юнескуллул Изобразительный искусствардал дунияллул халкъуннал ассоциациялул (АИАП Юнеско) членни. Ванал ца дуссар Германнавун итабавкъусса «Дунияллул художниктал» тисса каталограй. Ванал суратру дуссар Аьрасатнал ва Дагъусттаннал музейдаву. Ванал творчествалуву хъунмасса клану бутълай бур буттал клантул тлабавьтрал, Хъун дьавилул темардал. Хаджаевлул ца хъиннура машгъур дурну дур портретирттал ва натюрмортирттал. «Имам Шамил» ва «Имам Шамиллул арнал душ Написат» тисса портретру лайкъ хъуну дур Дунияллул халкъуннал комитетрал цанийсса премиялул ва бахшишран. «Бархарадуш» тисса суратран Москавлисса выставкалий лахъсса кьимат бившуну бур Аьрасатнал художествардал академиялул президент Зураб Церетелил. Вара портрет ка-

Аьпалул махъ

Гъунаргу, инсаншивугу, кинничалт кунна, цачу



Альберт Хаджаев



«Натюрморт»

ккьялун дирхъуну дур Франциянаву, Парижливсса ЮНЕСКО-лул штаб-квартиралий. «Натюрморт» суратру Турциянавусса, Ираннавусса выставкардай хъьичИунсса кьиматирттан лайкъ хъуну дур. Вай натюрмортирттал суратирттаву аьлтгану чалай бур буттал улкул агъалинал ишла дуллай бивкИсса матахИрал ва тлахИнилул хурмат, вай хурматрай ядуллан аьркиншиврий мукру буллалисса овьчаву. Ппухълуннал аманат ва дуаь. Лавзаманнул тарихрал хурмат. Рувханийсса ххазинарду ябувансса хьит. 2015 шинал дирхъусса «Аль-Хамду» тисса натюрмортрал тема, мурад бур жагылсса никиран рувханийсса ххуйшивурттал къадру куну къуцу тун овьтИсса. Ва суратран бюхттулсса кьимат бившуну бур Паччахьлугърал Третьяковская галереялул искусство-

ведтуралгу. Машгъурну ур Хаджаев художник- график хисаврайгу. Дагъусттаннал, Аьрасатнал ва къаталлил билаятирттал авторгурал 200-нниха ливчусса луттирдал художник-график ур ва. Минну-васса цаппараннул царду кичИ лаган: Расул Хамзатовлул «Тул Дагъусттан», Абакар Мудуновлул «Обътуву лархъсса цу», лакарал литературалул классиктурал – Юсуп Хапалаевлул, Махаммад-Загъид Аминовлул, Ккуркуллал Шазал луттирду. Ванан куртИну куну Дагъусттаннал тарих ва багъубизу, дунияллул литература ва магъирлугъ. ХъьичИун урувгсса, пахру-ххара бакъасса Альберт Хаджаевлул узданшиву исватну чалай дур мунал цалла суратру чярусса инсантуран бахшиш дурну душавривугу. Ва ия буттал шяраваллил патриот, обнийгу,

хъиннийгу жяматрал иширттачла ацлайсса. Гъунчукъатрав аьрая занакъавхуминнал аьпалул дацан дуресса мемориалданул авторгу ва ур. Цувагу фронтвикнал арс ухъувкун, дьавилул тема ванал дакИнивун мудангу бюххансса асарду бутайсса тема дур. Альберт Хаджаев Гъунчукъатрал шяраваллил гербрал авторгу ур, ва герб гъануну ларсун дурну дур Гъунчукъатрал ккурандалул члентурал хъазамрай лачИайсса лишаннугу. Ванал дурну дур Гъунчукъатрал шяравуннани ххуллий дацан дувантИсса стелалул дизайн-проектгу. Гъунчукъатрал шяраваллил суратруми ккаллину дур багъа бакъаминнун. «Илчи» кказитрай зий ивкИсса Амин Абдуллаев, аьпа биву, буслан икИайва, тай экономика



«Натюрморт»

дакъашиву царагу дюкьархъуну хъусса, ва хлакьну, мудангу суратирттах дуниял хъамариртун зун икИайсса уну тий.

– Альберт Захаровичлуя учинмур ттул чIявур, цанчирча на муначла дуклай ивкИун тий. Ттун оьрмулуву хъунмасса тлайлаацлу хъуссар ванашал хъунаакъаврийну, ттун ва кунулли 70-ку шиннардия шиная. Ванал жухъ, живописьрал, композициялул гъанурдал дакъассагу, дирхъуссар тлайлашиврул, лайкъшиврул дарсеру.

Ванал дирхъусса дарсирдайн бувнугу бюхъай на, художник къавхъуну, журналистнал пиша язи бувгъуну бикИангу. Ваксса гънар бусса, гъарцагу чулухуну итхяхъусса инсан, шихачIав къавлавхъусса художник ур. Яла-яла, ванал портретру – анжагъ суратру дакъар, вай хъанай дур шаллусса тарихрал лажинтру, драматургия, конфликт, суратирттах личИлулну буругарча, цикссагу затру буслай бур вайннул, – тий ур машгъуресса журналист Алик Абдулхамидов.

– Альбертлул давуртташал на хъьичИва-хъьичИ куну хъуссара Культуралул министерствалуву, Бадрижат Набиевнал кабинетраву, ванияр цикссагу шиннардил хъьичИ. Му дия бархарадушнил сурат. Ттуйн яла-яла асар бияна суратрайсса душнил дакИнил куртшиврул, марцIшиврул, ттонгъашиврул, шугълурдал.

Муния махъ куну хъура натюрмортирттал, пейзажирттал. Дазу дакъасса барчалагърай буссара ттулла суратрахлу, ва сурат ттучIа шарда икИайссар, выставкарду дусса чумал, дуккан дувайссар, – тий бур хореограф, балетмейстер Тарият Къапиева.

– Альберт Хаджаевлул творчествалушал на куну хъура лакарал поэтесса Патимат Рамазановал лу итабакьин хIадур буллалисса ппурттуву. Ванал Хъун дьавиллий жан дуллусса инсаннал гъаттай пахъ багъну мачча-гъанми бавцусса, «Шикку литИуннин бавцуну бивкИссар» тисса суратрал къюкИ ххяппувун ларсун чIуен дуллай дур, – тий ур чичу, «СТИХИ» издательствалул хъуна Арсений Ли.

Альберт Хаджаев сагъну Аунийгу, дунияллия лавгун махъгу, ца зумату кунна, циняв чIурчIав дуллай бур ва, бюхттулсса гъунарданул залу ушивруцун, инсаншиврул бутIагу Заннал саватлулну буллусса, уздансса чув ивкИшиврий. Ванал учениктураву чIявусса бур чачан миллатраяссагу. Художникнал душ Мадина буслай бур, Чачаннаву дьавилул ишру нанисса ппурттуву ичIува цачIава Чачаннавасса чIявусса хъамал бивкИшиву. Дьавилул ишру паракъат хъуну мукъах, Альберт Хаджаев Гудермесрай суратру дишаврил искусство лахъхин дуллалисса Педагогикалул институт ччаннай бацан буллай ивкИшиву бувсун бур танийва Чачаннал халкъуннал художник Аманди Асухановлул. Дур та институт цу буккан буллай бивкИсса ппурттуву Чачаннал художиктурашал риршусса суратругу. «Кумаг аьркиннийн ачайма», «цува аьркиннийн лечайма» – вай калимартту дур яла чIаруну баллалими Альберт Хаджаевлул гъунарданун лахъсса кьимат бишлашисса калимарттал хьирив. Дунияллул ххуйшиву гъарца чулуха ккаккан дуллалисса хлакьсса художниктал цамур куцуйссагу къабикИайхха. Гъунаргу, инсаншивугу, кинничалт кунна, цачу дия ваналмур оьрмулуву.

Патимат РАМАЗАНОВА

Аьпалул махъ

Дазу-зума дакъасса яхирал ва чувшиврул заллу

Вай гьантрай аьпалухъхун лавгунни, Бархьаллал шяраву акъассагу, шалагу Ахъушиял райондалий бусравсса, ххаллилсса наслу тарбия бувсса Хаммади Маммадиев.

Ванал канил магьиршиврия чявучин бавссар. Хаммадил канил кушурду ккавкма махлаттал хьанан иклай, цукун бюхъайссар ца каних укунсса караматру дан тий. Цаларив, аьпа бивул, учайва: «Ва ттул ца дакъар, шанна кар», – куну. Оьрмуллу арулла шинаву хар-хавар бакъа хьусса апатI сававну Хаммади ца каница хьуну ур. Амма, цала яхI бушиврул дакI гьагъан къаивкIун, цайминнал кIирагу каних даймур, хьиннура усттарну, чима хIайран анну ца каних дуллай, яхIирай оьрму бивтун бур. Шяравун увкIма ванал цIувцIучарил къатрачIа аглан къавхьуну, караматсса къапулий тамаша къабувну къалагайва. Вай караматирттал заллу цу урвав, усттар цумаривав тий, кIул хьун ччиминнан мудангу ххуллу тIивтIуну бикIайва музейрайн кIура дарсса Хаммадил къатравун. Хьамал ххирасса къатлул залуннашал хьунабавкъукун хьиннува махлаттал шайва «музейрал экспонатру» усттарнал ца каних дурсса душиву кIул шайху.

Бархьаллал шяраву 7 классгу къуртал бивну, гихуннайсса дуккаву дан ва лавгун ур Избербаш шагьрулийсса зунтгал оьрчансса интернатрайн. Хаммади буслан икIайва интернатрай цашала архIал Дагъусттаннал хьунаману ивкIсса МухIу Аьлиевгу дуклай икIайссия тий. Хаммади школалий дуклакинийва сурат дишин, синааьршараха зун гьира бусса оьрчI ивкIун ур.

ХьхьичIава Бархьаллал шяравун суратру дихьлан бучIайсса бивкIун бур Аьрасатнал шагьрурдаясса ва Дазул къатлатусса машгьуресса художниктал. Ца ппурттуву мукун бивкIсса Цыгор, Сорокин хIаласса художниктурал группалун хIисав хьуну ур синааьршараха зузисса чIавасса Хаммади. «Ты же не играешь, ты лепишь», – тий, усттарну синааьрши шуруши дурсса Хаммадих буруглай бавцIуну бур. «Ина чара бакъа Художествалул училищалувун уххан аьркинссара, жу вин кумаг банну», – тий бивкIун бур. Жагьилнавусса гьунар хIисав хьуну, ванал ца къариртун дур Дагъусттаннал Культуралул министерствалий, Москвауллал художествалул училищалувун уххан тIайла уккьяра тий. Амма министерствалул къуллугъчитурал, Хаммадихьгу ссихI къадурккун, миккун дуклан тIайла бивккун бивкIун бур цайми художниктал. Муния хавар бакъасса Хаммадигу лавгун ур цала каних бувсса Лениннул бюстгу лавсун Культуралул министерствалийн ккаккан бан. Га бюстрах ялугълай, тамаша буллайгу бивкIун, ина чIал хьуну ура куну бур. Укун, Художествалул училищалувун уххан тIайлабавцIу къавхьуну бур Хаммадин.

Муниннин хьхьичI, Дагъусттаннал шяраваллил хозий-



Хаммади Маммадиев

ХIакьину Бархьарав букIлакIсса туристгьтал ХIаммадил къатравун букъавххун къалагай.

ствалул институтравун ухлай, кIийла тIайлабавцIу къавхьусса ХIаммади, цала тIимур бацIан къабувну къаикIанна тий, цIунилгу лавгун ур тава институтравун уххан. Дуклан уххайхту, институтрал ректор МахIаммад Жанбулатовлун пиш-каш бивну бур цала бувсса Лениннул бюстгу.

1963 шинал, Шяраваллил хозийствалул институтрал агрофакугу бивккуну, ХIаммади лавгун ур АьсатIиннавун Коста Хетагуровлул цIанийсса Педагогикалул институтравун уххан. Заочныйну къуртал бивну бур ва институтрал биологиялул факультет. Дуклай унува зугу зий, студентьтурачIагу, даврил уртакътурачIагу хIурматрай ивкIун ур. Та чIумал лайкъ дурну дур ванал «Молодому передовику производства» тIисса хIурматрал лишангу. АьсатIиннавусса чIумал Бархьарату оьвтIий бивкIун бур ванайн шяраву зун нану тий. Колхозраву зунсса агроном аьркинну, колхозрал председатель ЯхIия МахIмудов обкомрайхIин ва шяравун тIалав уллан ивкIун ур, чичлай ивкIун ур ва зузисса кIантурдайн. АьсатIинналгу, ххуйсса зузала итаакьин къаччай, оьвтIий бушиву ваяна къюлтI буллай бивкIун бур. Ца ппурттуву кIул хьуну, ци тий бурив ккаккан лавгун ур. Мукун, 4



курс бивккуну увкIсса ХIаммади шяраву ацIан увну ур.

Най унува ивтун ур колхозрал агрономну. Ва даврий зий ХIаммадил 27 шин дурну дур. Ва ивкIун ур цаярагу, зузалтраягу тIалавшинна дусса, жаваблувсса каялувчи.

Зий ивкIун ур ХIаммади шяраваллил советрал секретарьну, шяраваллил администраторнал хьиривчувну. Вай давурттай зий дурну дур сайки 24 шин.

Ванал чув-ухьурчангу цала даву лажин кIялану дайсса диркIун дур. ХIукуматрал давурттая лавгун,

Колхозрал агрономну зий ХIаммадил 27 шин дурну дур. Зий ивкIун ур ХIаммади шяраваллил советрал секретарьну, шяраваллил администраторнал хьиривчувну. Вай давурттай зий дурну дур сайки 24 шин.

пенсиялийн увккун махьгу захIмат ххирасса ХIаммадин дуланмур чан къашайсса диркIун дур.

ХIакьину шяравун букIлакIсса туристгьтал ХIаммадил къатравун букъавххун къалагай.

Ванал канила дукъаккайсса даву къадикIайва: ябацIансса ххаржантру, чIиллу, миннунсса къуртти, ттупанграл къуннагьру усттарну накьичругу дирхьусса. Халичарттай, ярагьунний, тIахIунттай ва цаймигу затирттай дирхьусса накьичругу дия ванал цала ляхьан дурсса. Вай цинярда накьичругу ца альбомравун цачIун дурну дия, лу итабакьинсса пикрилий.

Цала экспонатирттая бусласисса чIумал, хьунав хьувкун нара дугьан хIадур дурсса аьсавгу дуссар тий, цала дурсса эмаратсса аьсавгу ккаккан дуллай ия. Цалсса уттигу хьунав хьун ччай акъара тий, чIирайн лархьуна.

Вая ацIаву, игьалагаву къакIулсса инсан. ВаначIан гьарича кьини ци-дунугу дува тий букIлакIсса инсанталгу чан къашайва.

ХIаммадичIан бучIайссия бакIру чартIи бан, бакьин бан, чIири бичин, чIиллу, хIисилтту дайл дуван.

ХIаммадивусса гьунарду чIявуя. Тархьансса мутта биривсса чIумал шеьрирдугу чичайссия. Ххирая ХIаммадин, ттупанчагу хьарайх бивтун, авлий уклангу.

ЧIарусса шиннардий ва халкъунал медициналухунгу агьну ивкIун ур, бур муни хас бувсса биялсса луттирдугу. ХIаммадин кIулну бикIайва цумур урттушин сан дарувсарив, цукун ишла дан аьркинссарив. Ванал сававсса каруннал хьин дайва оьнин дурксса шавурду.

ХIаммади кунасса, цимурцаннуя хавар бусса, цинявннан учIи лякъайсса инсан шяраву ивкIшиврийну жяматран хьунмасса бахтти хьуссар.

Къанкъасса, яхI-къирият дусса, захIмат ххирасса зунтталчу ХIаммади аьпалул шаврил къурчIишиву кIидачIлай, жижара буллай буру кулпатрахь, оьрчIахь ва цинявпагу маччагьаннахь. Алжаннул ххари аннав, рухI хьинний дишиннав, махьнал оьрмурдай барачат бишиннав.

Имара САИДОВА
Анриана АБДУЛЛАЕВА



ИТНИ, 15 АПРЕЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

23.00 «Большая игра». (16+).
00.00 Х/ф «Обыкновенный фашизм 2». (18+).

23.00 «Большая игра». (16+).
00.00 «Золотой век». (12+).

23.00 «Большая игра». (16+).
00.00 «Подкаст.Лаб». (16+).

00.10 Х/ф «Иван Грозный». (12+).
01.55 «Подкаст.Лаб». (16+).

01.20 «Подкаст.Лаб». (16+).
XXULJUN, 20 АПРЕЛЬ
06.00 «Доброе утро». Суббота.

АЛХИАТ, 21 АПРЕЛЬ
06.00 Новости.
06.10 «Подкаст.Лаб». (16+).

РОССИЯ 1

ИТНИ, 15 АПРЕЛЬ
05.00 «Утро России».
07.35-07.41 Вести-Дагестан

Крайнов и Кирилл Болтаев в телесериале «Версия» [16+]
ТТАЛАТ, 16 АПРЕЛЬ
05.00 «Утро России».

Крайнов и Кирилл Болтаев в телесериале «Версия» [16+]
АРВАХИ, 17 АПРЕЛЬ
05.00 «Утро России».

Крайнов и Кирилл Болтаев в телесериале «Версия» [16+]
ХАМИС, 18 АПРЕЛЬ
05.00 «Утро России».

03.45 Виктория Полторац, Павел Крайнов и Кирилл Болтаев в телесериале «Версия» [16+]
НЮЖМАР, 19 АПРЕЛЬ
05.00 «Утро России».

02.00 46-й Московский Международный кинофестиваль. Торжественное открытие.

04.10 Ирина Медведева, Михаил Мамаев и Любовь Германова в фильме «Муж счастливой женщины» [12+]
АЛХИАТ, 21 АПРЕЛЬ
06.05 Антонина Дивина, Александр Константинов, Мария Ананкина и Павел Харланчук в фильме «Несмеяная любовь» [12+]
08.00 ВОСКРЕСЕНЬЕ.
08.35 «Когда все дома с Тимуром Кизиковым».



ИТНИ, 15 АПРЕЛЬ
07.00 Время новостей Дагестана.
08.00 М/ф «Смешарики. Пин-код».

04.20 Передача на табасаранском языке «Мил» (12+).
04.55 Д/ф «Раскрасочная история».

и Черчиллем» (16+)
04.05 «Служа Родине» (12+).
04.20 Передача на лакском языке «Арыши на аглу» (12+).

03.45 Д/ф «На пороге войны» «Испанский пролог Второй Мировой» (16+).

00.30 Время новостей Дагестана
00.55 «За скобками» (12+).

21.55 «Время спорта» (12+)
22.30 Время новостей Дагестана
23.00 Время новостей. Махачкала

00.30 Время новостей Дагестана
00.50 Программа «Ночной дозор».



ИТНИ, 15 АПРЕЛЬ
04.50 Т/с «Легавый». (16+).
06.30 «Утро. Самое лучшее». (16+).

ТТАЛАТ, 16 АПРЕЛЬ
04.50 Т/с «Легавый». (16+).

08.25 Т/с «Пес». (16+).
10.00 «Сегодня».

13.25 «Чрезвычайное происшествие». (16+).

14.00 «Место встречи». (16+).

13.00 «Секрет на миллион». Тайны жен Футболистов. (16+).

АЛХИАТ, 21 АПРЕЛЬ
04.50 Т/с «Легавый». (16+).

«Илчилул» календарь

Ва нюжмардий увссар:

Апрель зурул 9-нний 1975 шинал увссар ДР-лул Халкьуннал Мажлисрал депутат **ЖахИпар Абуев.**

Апрель зурул 10-нний 1962 шинал увссар генерал-лейтенант **Муслим Даххаев.**

Апрель зурул 10-нний 1956 шинал увссар Новостройрал Пенсиялул фондрал директор **Назим Шайхаалиев.**

Апрель зурул 12-нний 1935 шинал увссар филологиялул эл-мурдал доктор, профессор **Эса Абдуллаев.**

Апрель зурул 12-нний 1957 шинал увссар жяматийсса ва политикийсса ишккакку **Мяма Мяммаев.**

Барча бавуртту



гу бартбивгуну, ванал лавхьхуну бур ккарччал хIакиннал пиша. АрхIал зузиминнангу, агIалинангу бусравсса, устарсса пишакар ушивруцIун, ХIажимурад хьинну чумартсса, сахаватлувсса, инсаннан кумаг буван анавар уккайсса, ТтурчIиял шарнил гьайбатсса зунттал чув ур. Кулпатрашал гьурбатрай чIярусса шинну дурну духьурчагу, ХIажимурадлул ва Заремал аслийсса лакну тарбия бувссар душругу, арсугу, вайннаннин буххай-буккайцириннан кIулссар вайннал тIюва ялун увкIная ххарисса, хьамаллурал хIурмат бусса уздансса лакку ужагь хIисаврай. Лакрал ца-кьини адавай ва сийлий ядуллаллсса кулпат хIисаврай.

Барча дуллаи буру ХIажимурадлул юбилей! Вагу, ванал бумигу цIуллуну, талихIрай личIаннав! ДакIнийцири мурадду бартлаганнав, наслулул ххари улланнав! Хьуни-хьунисса ххаришивуртту ва тирхханнурду зул ужагьрайн дияннав!

Кулпат, мачча-гьанми

Апрель зурул 10-нний оьрмулул юбилей кIицI лаглай ур Хьурттал шьравасса **Альмусаев КьурамаХIаммад Альмусал арс.**

Ванал бувтссар оьрму шьравуминналгу, мачча-гьанналгу, дустуралгу дьанив бусравну, эбратну, хIурматрай.

КьурамаХIаммад Лув-Жунгутайлив увссар, хьунагу хьуссар, амма жагьилнийсса хьунмур оьрму бувтссар буттал шьраву, Хьурив.

1950-ку шиннардий колхозиртгахьхун ихтиярду дуллуссия тракторду, комбайнартту машин ласунсса. Хьурттал колхозралгу ларссьсия цалчинминнавух цал тракторду, яла махь – комбайнагу.

Тай шиннардий Сулакьрал МТС-рай зузисса, дурккусса механизатор, Хьурттал колхозрал председатель АьвдуллатIипов МахIаммадлул тIалавшиндарайн бувну, КьурамаХIаммад зун увкIиссия буттал шьравун. Ва зий уссия цал тракторданий, яла, комбайн лавсукун, комбайналий.

Чув, ссай зурчангу, КьурамаХIаммадлул дакIнийхуну, хIарачат ххину шаллу дайссия цалла даву.

Шьраваллава халкь шагь-рурдайн бизлан бивкIукун, вагу



махьунай, Жунгутайлив, зана хьуну, ЧиркайГЭСрал вахта ххилаххисса автобусрай зий уссия. Пенсиялийн увккувкун, найрдугу лавсун, дахIалай чинсса найрдучигу хьуну ур. Гьарца шинах, цала арснашал, Рамазаннушал увкIун Хьурив, ВацIиллул ухнилу чьтиргу бившуну, зунттал тIутIал марцIсса ницI шьравун бувкIисса Хьурттал жьматран базалувусса багьлуяр кьюркьуну даххайссар ванал.

ХIурмат лавайсса КьурамаХIаммад, дакIнийхуну барча тIий буру вихь увсса кьини. Ча тIий буру цIуллушиву, рахIатсса лахьисса оьрмулул шинну!

Дустурал, мачча-гьаннал цIания Кьурбанов Шамил ва АьвдуллатIипов АьвдуллатIип

ЦIусса луттирду

«Хьинсса давурттал лу»

лакку мазрайгу итабакьин хьина

Дунияллий хьиншиврул чулуха циньв цакуцну лавхьхуну бакьар, цавайннайн хьиншиврул бутIа сахаватну бивну бикIай, цайминнайнинн чанну. Цавай хьуни-хьунисса хьинбалартту буллан ччисса бикIай, ваймирив – бувагу кьаччисса. Амма, дакI дарицуну бура, оьрчIаву хьиншиврул гьанна оьрчIинийва цакуцну бугьарча, хьиншивуртту дуллан лахьхьин буван, кIива мукьуйну учин, хьиншиву тарбия дуван шайшиврий.



«Хьинсса давурттал луттирал» автор, ттул шьравучув МухIаммад Юнусовгу дакI дарицуну ур, оьрчIру ва нину-пту хьинмур буллан кIункIу бувансса стимулну хьушиврий кIицI лавгсса лу. КутIану ва луттирая бусан, ва бур гьарца кьини буцIин буван аьркинсса дневник кунмасса, оьрчIал гьарца кьини цалла дурсса хьинсса даврия чичлачисса лу. Му ци журалул хьиншиву духьурчагу, шин дурсса духьурчагу. Чирисса, хьунсса, личи дакьа. ИчIуванан дикIу, чин дикIу. «РувхIанийшиву» тIисса разделданий даиман маркIачIаннай чичлачиссар оьрчIал цалла дурмур, данна тIий бунува, дуван кьархьумур, циван, ци багьана хьуну кьадурссарив ва гьунттий дуван дакIниймур. Гьарца зурул ахирданий, «Хьинсса давурттал балансерал нигь» тIисса бутIа буцIин буллаи, оьрчIал зуруй дурмунил хIасиллу дуллаллссар, бусласиссар, цайминнан хьинбала баврийну ци дурххуссарив, цукунсса асарду буссарив. Ва луттирал мионпат бувчIуну, тIалав буллаи, ялу-ялун машгьур хьанай бур республикалул кьатIув, цайми регионай, билаятирттай. —Жува дан-диганмунил плану дуллан бикIару, «Хьинсса давурттал лу» жува гьарца кьини хьиншиву дуллал буллансса кумагчири. МаслихIат буллаи ура ва лу ишла



буллан, Кьиямасса кьинилийнсса луртан хьун дуваншиврул», – тIий урдинчи МухIаммадрасул Саадиев. «ЛяРиба» финансирдал кьатлул директор Мурал Алискеровгу укун тIий ур луттирал хIакьираву: «ТIайламур бусан, ххари унна на ва луттирал. ЦичIав аьламат, караматсса лу бакьар, инсан ишла буллаи ур, амма, луттирал мионпат хьунмасса бур, луттирал залуннан цанмагу, луттирал залуннал хьиншиву дурманангу».

Кьазаннай хьусса Аьрасат-кнал Жяматийсса палаталул заседаниялийгу лахьсса кьимат бившуну бур МухIаммад Юнусовлул проектран. Ва палаталул член, физкультуралул ва цIуллушиврул масьалартталсса буллаллсса ко-

миссиялул хьунаманал хьиривчув профессор Е. А. Истягина-Елисеевагу маслихIат буллаи бур, кIулшивуртту дуллаллсса идарартай ва спортрал учреждениерттай, чара бакьа оьрчIру ва лу ишла буллал буван, хьиншиву-хьинбала буллан оьвтIисса бушивруцIун, ялун нанисса ник кулпатрал, билаятрал, аьдатрайсса ххазинарттал хIурмат буну кьуццу тIунгу лахьхьин буллаллсса бунутIий. Бусанна ва проектрал презентация хьушиву Стамбуллаи, бусурманнал бизнес форумрай, Ингушетиянаву, тайннал экономикалул министрнал хьиривчув Аслан Нальгиев ва национал политикалул министрнал хьиривчув Руслан Мизиев ва цаймигу кьуллугьчитал гьурттусса батIаврий. Мукунна Каспийскаливсса Хьхьирил кадетьтурал школа-интернатрай. Лу кьатIаллил билаятирттал цаппара мазурдийгу итабакьуну бур: ингилиснал, туркнал, аьрабнал мазурдий. МухIаммад буллаи ур хаснува хьунмасса кьулагьас душиву Аьрабнал билаятирттай. «Ва луттирал мионпат бувчIуну, Москвалив дукIу хьусса «Исламрал бизнесува хIалал инвестициярду» тIисса Дунияллул халкьуннал дьанивсса форумрай Консалтинграл центрданул гендиректор, шайх Исмаил Десаил маслихIат бувна, лу кьатIаллил билаятирттал мазурдийгу итабакьин. Луттирал цалчинми чIапIай Кьурандалувацца суарду буссар, оьрчIан исламгу лахьхьин дуваву мурадрай, ниттил мазругу ишла бувансса ца чаран хIисаврай, яру ва кьумукь мазурдийн таржума буллаи буссар. Лакку мазрайнгу таржума бувну итабакьинсса пикри бур, луттирал спонсоршиву дуванма уккарча. Лаккуйсса школарадйсса оьрчIайх бачIин хьунссия. Машан ласун ччисса угьурчагу луттирал багьа лахьсса бакьассар, оьрчIансса ссайгьатри, – тIий ур МухIаммад. Ванал увкумуницIун бавкьуну, ххи буванна: Зумаритавал байрандалул гьантрай оьрчIан пишкаш буванма ссал кьабагьар? ДакI дарицуну бура, лу мудангу хьинсса бахшиш душиврий. Хаснува хьиншиврул, хьинбалдарал ххуллийн оьвтIимур, ххуймур, хьинмур ххуй бизан буллаллмур.

Патимат РАМАЗАНОВА

МахIачкьалалал аэропортрал даврил хIасиллу

МахIачкьалалал аэропортрай гьашинусса шинал 1-мур кварталданий дурсса давурттал хIасиллу дунни.

Ва шинал 3 зурул мутталай 3,7 % ххишала хьуну дур пассажиртурал сияхI. Ларгсса шинал вара чIумух бурувгун 522 784 пассажир ххишаласса кьамул увну ур. Аэропортрайн ва аэропорттрая тIайла дурккун дур 857 тонна кьай-кьуйлул ва почталул. Вайгу ларгсса шинашал цацIу дирхьуну 23,2 % ххишаласса хьанай дур.

Цанасса ппурттуву МахIачкьалалал аэропортрай яла тIалавми рейсру дур Москвалийн, Санкт-Петербурглив, Сургутлив, Кьазаннайн ва Со-

чилийн. Дазул кьатIувми рейсирдава яла тIалавми дур Стамбуллайн, Дубайлив, Бакуйн, Жиддалийн ва Шарджалийн. ЧIявусса пассажирттал ххилаххисса авиакомпаниярттан ккаллину дур «Победа», «Россия», «Аэрофлот», «Red Wings» ва «Сибирь».

Шикку тIитIайнма бур цIусса рейсру. Мунийну хьунмасса бигьашиву хьанай дур личи-личисса регионай республикалийн букIлакIисса инсантуран, хаснура туристьтуран.

ДакIнийн бутанну, МахIачкьалалал аэропортрай зузи дурну душиву даврил даража гьаз баву мурадрайсса проект. Ванийн бувну, кьамул бувну бур цIусса технологиярттал производствалул процессру магьир баврил ва анаварсса мутталай пассажиртал кьамул баврил, багаж ххал дигьаврил даву сантирайн рутаву мурадрайсса хIукмурду.

ХIакьинусса кьини МахIачкьалалал аэропорт бур Ухсавнил Кьавкказулла Федерал Округрайсса аэропортрай даву яла чIявусса пассажиртал кьамул байсса авиапредприятаяну.

Имара САИДОВА

Фотосуратирттайнусса жула тарих

Ттул Иллини



Хъмакъабитулун рирцусса сурат



Щамхалтурал лишан дурсса кIалабарз



1890-ку шинал дурсса кьатри



Б. МахIаммадов




Хъун даявилул гьурттучи Б. МахIаммадовлул кулпат



Я. МахIаммадов



М. Къасимов



А. Абдуллаев



ХI. Авлиев



З. Абдуллаев цала кулпатрацал



З. Сулайманов



Н. Махъсудов

Замана ци чулинмай най бунугу, инсаннал оьрмулуву ца яла агьаммурну кулпат личИлай бур. Кулпатрал жяматийсса оьрмулуву, махъа нанисса ник тарбия давриву бугьлагьисса кIанугу хIисаврайн лавсун, цIуллу-цIакьсса кулпатрал сий ларай давугу мурадрай, ва шин Аьрасатнаву Кулпатрал шинну баян бувунни. Ккуллал райондалул имам МухIаммад-Маннар Бариевлушал хъусса хъунабакъаврий кулпатрайн, лас-шарнил дянивсса арардайн багъайссагу къачансса ихтилатру хъуна.

- – ЦIана чIявуну хъанай бур кулпатру ливсса ишру. Хаснува адамина къазий ягу чанну ляхълай, шарссанил кулпатлашу-шаллу буллалисса чIумал...

– Мийжаннугу, хIакьинусса къини къачанну хъанай бур кулпатру ливсса ишру, диндалул ххуллийх наниминнал дянивгума, личИи шаву Хъунасса Заннан яла къаччими затирттавух дунугу. Лавай кIицI лавгсса кIану личИи шавринсса ттуршва багъанттувасса цар. Кулпат буллалисса жагьилтуран кулпатрал агьамшиву, ванил мяналул куртIшиву шаллуну кIулну, дурчIлай къадикIай. Жагьилтал, ваксса таксса за хъувкун, шаракIама лавхъун, дакI хъуншиву дуллаи, бигъанма личИи хъанай бур. ЦIуну хъусса кулпатраву кIивагу чулухасса хъуннасса ссаур ва хIурмат бикIан аьркинссар.

Жагьилнан ва ванал гъанминнан дакIний бикIан аьркинссар душ цамур кулпатрава бувкIсса, цачIанма бучIаннин нитти-буттал дукангу буллаи, лаххангу буллаи хъунма бувсса душ бушиву. Жагьилтуран бувчIлай бакъар хъамитайпалухъунияргу ссаур адаминахъу дикIан аьркиншиву. ХIакьинусса къини дин дуллалиминнал сияхI хъуннар, дуллалимунил, оьрму бутлатисса куццул даражарив ттигу аьркинссаксса лахъ хъуну бакъар. ХIадисараву укуну буссар адаминашиву – му лачIун увкуну цама утаву, ух аву дакъар, адаминашиву – му сситтучIа ссаур давур куну.

Тиха ва шиха нину-ппу, цаймигу гъанчу хIала бухлан бивкIукунгур кулпатраву ккурч шайсса. БикIай, куявнайн махъру тIий, цалва душ марцI буллалисса, цахъва цIуххирча, цалва душ ххассал буллалиссару тIисса. Мукунма, арснал (уссил) шарнийн махъру тIий, цала оьрчI ххуй уллалисса, шикку цивппа, цавай ва ттул душри тIий, вайми ва ттул арсри тIий, кулпат лешан буллаливу къабувчIлай. Кулпатраву ва жулли, та зулли тIисса кIану бикIан къааьркинссар, циняв жулвар.. Лас-шарнил дянив бухланса, кулпат лиян

Кулпатрал шинан хасну

«Адамина адаминану ухъурча, хъамитайпагу хъамитайпану бикIантIиссар»

Лас-шарния, вайннал дянивсса арардая, багъу-бизулия



МухIаммад-Маннар кулпатрашал

буванмур булланса ихтияр ца шихъчIавгу дакъассар, хIатта нитти-буттахъгума. Щябивтун душгу, оьрчIгу, бумунийн бур учин аьркинссар, цалама марцI къауллаи.

Хъамитайпа даврийн бувккун, лас зий акъашиврул цIаний кулпатру лиллалаврил ялувлив, ттухъ цIуххавай, аьй шаллуну ласнайри цалва кулпатлашу-шаллу буван, дукан бан, лаххан буван къахъанахъисса, хIарачат къабуллалисса. Адаминал, зугу-зий, ичIура багъайсса куццуийсса шартIругу шаллу дуварча, хъамитайпагу цилла дуван багъаймур дуллантаиссар. Ва дунияллий гъарца инсаннан дур цанна-цанна итадаркъусса чIун, цаннан – 60, вamanan – 70. Кулпатгу, оьрчIругу бувцуну къатIув увкун, вайннашал гъан дурсса чIун оьрмулул шиннавун къадухлахиссар тIар. МухIаммад-идас (с.а.в.) цалва кулпатрашал къатIув уккайсса ивкIиссар, бяст-ччаллий лечайссагума ивкIиссар.

Ласгу къазий, оьрчIан хIукуматрал булайсса пособиялий

шай. Диндалува ккаккан бувну бур ласнал ва шарссанил буржу, ичIува къущу тIун аьркинсса куц. Амма адаминан чIалай бакъассар цайвами бигарду, ванан чIалачIиссар шарссанилми. Мукунма шарссанингу. На адаминахъ учара, ина вийва бивхъуми бигарду биттур буллалу, хъиривва вин ккаккантIиссар Аллагьнал вийн шарссагу мютIий хъанахъи дурсса.

Цал ттучIан бувкIуна жагьилсса лас ва шар, биллай, талай, личИи хъанахъисса. Цал битав цанма ччимур учин, укунний бацIан буван хъанай-

Чъянива имам Шамиллул увкуну бурхха: «Адамина адаминану ухъурча, шарссагу шарссану дикIантIиссар» тIисса махъру. Адаминар къатлул заллу, кулпатрал бакI, ванаеясса жаваблувшиннагу хъуннассар.

гу къабикIайхха. Яла цIуххав, ччай бузив вайннан цачIу оьрму бутлан ягу бакъарив, цанчирча лас-шар куннан кув къачисса чIумал ссаятучIав кумаг къашайну тIий. Ччай бур увкунни. Яла дулав адаминахъун ва шарссанихъун ручкарду ва чIапIив. Учав адаминахъ, чича чагъарданий вила шарссаниву винна ххуй къадизлазими лишанну, хасиятру куну, шарссанихъу – мукунма. Ттунма хIисав хъусса зат – ручка ва чIапIи дуккан дуркун лагъ шайссар аьлагъужа. Гъалгъардайн куннайн куннал укъачай къабикIай, кувнная кув рязисса кIану къабикIай, лас-шарнил ххуй дакъами хасиятиртта чагъарданий чичлан багъувкунний ихтилатру чан шай. Мазрая циксса махъру нарчангу, чагъарданий чичинмур лап чанса бикIай, цал-цал чичинмурвагу къалакъай. Чивчумур лахъну ккалангу икIара, адаминахъ – шарссанилсса, шарссанихъ – адаминалсса. Адаминахъ учара вана ва чагъарданий вил шарсса ваниягу, таниягу рязи дакъа дур, инарив ура вай къабаяншиврул вилвамур бачин бувну, ма ва

чIапIигуча, вилвамур гъарзат хъамабити, шикку чивчумунилсса буллалу куну. Ларсун тамур чIапIи, вава мяналийсса ихтилат ганихъу бара.

Лас-шарнин, хаснува жагьилминнан, нукIувагу увкусса куццуй, пахрулул, цанма цивппа ххуйну, тIайлану чIалачIаврил лиян буллаи бур кулпат. «Я» тIутIаву, нара яла ххуйма тIутIаву, дакI хъуншиву дуллалаву исламраву бунагъиран ккал-лиссар.

На укунсса гъалгъарду буллаи урчала куну, ванил къатIиссар ттулмур кулпатраву бувчIу-къабувчIурду къашайссар. Ттул бур кулпат, мукъва оьрчI, жулгу шайссар укунмасса ишру. Шарсса тIийгума дикIай, ина цайми нахIу буван, дакъил буван лагара, вилвамур кулпатравугу чан бакъар шаллу буванмур тIий. Цаманалмур шаллу булан бигъахъунссар, жулвамурнийар. Цаманашал гъалгъа тIутIисса чIумал чулуха урувгун ттуламур тагъаргу дурчIин шай.

Кулпат буруччаврил, хъамитайпалул хIурмат баврил чулийннай жула муфтиналгу дур къанкъасса тIалавшинна, ургаву. Кулпатрал масъалартташал ванайнгу чIявуну биккайссар, ваналгу чIявуну тикрал бувай кулпатру пахру-ххаралулшиврий лияйшиву. Шикку хъунмур аьйгу адаминай дур, хъамитайпа психологиялул чулуха адаминар личИисса бур. Мунияту адаминан къааьркинссар хъамитайпалул гъарца мукъул хъирив лаллан. Къатлул къайгъурдалсса, оьрчIалсса буллаи, къачIирисса гъиву ларсун нанисса, бухлахисса хъамитайпалул увкусса гъарца мукъун махъ буллалаву адаминан къалайкъссар. Битан аьркинссар хъамитайпа паракъат хъуннин, цимурцаннул хъирив къаагълай, гъарца ганил увкунмур ва бувмур ххалуйх къалахлай. Адаминал дикIан аьркинссар ссаур учай-муниву, дуваймуниву. КIира зат дуссар хъамитайпалун хIалал ритан къабучIисса: хаин шаву ва шьялахъ бусаву.

Чъянива имам Шамиллул увкуну бурхха: «Адамина адаминану ухъурча, шарссагу шарссану дикIантIиссар» тIисса махъру. Адаминар къатлул заллу, кулпатрал бакI, ванаеясса жаваблувшиннагу хъуннассар.

Бадрижамал АБЛИЕВА

Къаликканнав лакрал цавагу ужагърайн оьсса къини!

ДакI гъожу дурккун лагайва хъасъса аьралий операциялий лаккуоьрчIал жан дулуну дур тIисса хавар баяйхту, ца ттигу ниттил лякъа шиши дагъну дурхха тIий. Аллагъ ци тIий иявав на мукун тIутIийни.

Сеуттил цала хушрай хъасъса аьралий операциялийн лавгуна

жул чIавама арс МахIаммад-Сяидгу, цуксса къагъан итан хIарачат ичIуваминнал барчагу.

КIива барзвагу чIарах къабувккун, жулмур ужагърайнгу бувххунни лухIи хавар, шиши дагъунни ттуламургу лякъа, ватандалул ххуллий чувшиврий

жанну дуллуминнал къюкълувух ивхъунни ттуламагу арс.

Цибанссар, укунсса бухъунссия ттул арснал къадар.

ДакIнийхтуну барчаллагъ тIий бура жула къовулул чIарав бавцIуциринахъ. Яла-ялагу, Лакрал райондалул администрациялул зузалтрахъ ва

хасну райондалул бакIчи Юсуп МахIаммадовлухъ, дакI аьчух дансса мукъухлугу, кулпатрал буруккинттах дуллалисса къулагъасрахлугу.


Я Аллагъ, шилчIав ужагърайн къабухханнав вириння-заннивсса бивкIу! Хъасъса аьралий операциягу къуртал хъу-

ну, хIакьину тикку талатисса жула чиваркIгу сагъ-саламатну зана хъуну, нитти-буттал дакIру рахIат дурксса къини гъанну лякъиннав! Дунияллийн паракъатшиву дагъаннав!

Зинфира МАХIАММАДОВА,
ш. Хъунайми



Таваккул



Цукун-бухурчагу га хьхьуну Сарижат ххарину бия. Муксса ххарину бияхха, Рамазаннул чагьарданийсса къабувчІлалІсса махьругума ниттихь цІуххин сивсуна. Бахулгу суаллахун гьирарай жавабру дуллауна. Жавабру дулаву цила оьрмулуд шала мурадну чІалачІи хханссия, цихава чири буллалІсса хханссия. Аман, ци дакІний бурвав ниттин?

– **Ризван му цу инсани, да-дай? – цІувххуна Сарижатлуд.**

Ризван Алжаннул къапучири. Бунагь хьусса инсан ганал Алжаннуну уххан къаитайссар. Алжаннуву дуссар нацІуранацІусса, дяркьура- дяркьусса, лицаврил чІан чІалачІисса ратІ. Ганийн Кавсар учайссар. Шуну Алжаннуну увкІма Ризваннул га ратІнил щиная нахІала бан увайссар... Яла гана я алжаннул инсан шайссар. Ниттил душнихь бувсуна тавап ссайн учайссаривгу, муьминчувтал ци инсанталливгу, Замзам шараши ци шараширивгу, ИхІрам циривгу.

Ибрагьин идавсийн ссавния амру бувкІун бур увагу усса ца арс, Исмяил, цадакьалун къурван ува тІисса. Ва хавар бавну, Исмяиллуд нину Гьажар, арсгу увцуну, га буттал къаиххан, лирхьун дур. Щинал къанатсса Аьрабнал къундалул чуллай нинугу, арсгу мякьлил литІлан бивкІун бур.

«Я хьунасса Зал, цан дуккан дуллай уракьай ина жуйх ва къини?» – куну, Исмяил Аллагьнайн лаивзун ур. Банмур бухлавгун

Аьрапат-Зунтту

авцІусса Исмяиллуд, цанмава-гу цаннив къакІулну бунува, га цува авцІусса кІанайн ччан шуну бур. Гассят гичча лавай щинал шараши ливчуну бур. Вана укунсса шарашир Замзам щинал шараши, – увкуну, бувсуна ниттил.

– **Дадай, гай ххассал хьуссарив?**

– Хьуссар, Аллагу Тааьлнал Исмяиллуд биххан ИбрагьиннучІан яттил хІайван тІайла бувккун бивкІун бур... Аллагьнал цайна мютІисса инсангу, кулпат ххирасса ниттихьулгу, нину-ппу ххирасса оьрчІругу алжаннул инсанталну ккалли байсса бур...

Сарижатлуд хьунмасса гьирарай вичІи дирхьуна Аьрапат-Зунттуингу лавхьун, Сарижатлуд ялугьлай ацІанна тІисса Рамазаннул мукьурттил мяьналухгу.

– Жува циняв Адам идавсил наслуру, – увкуна ниттил. – ХІава савав хьуну, Адам идавс уккан увссар Алжаннува. Ганала хьирив ХІавагу гьан бувну бур. ХІава тІурча – ЯтІул хьхьирил чІаравсса къундалул чуллайн. Гай цаннах ца луглай, цаннах цаннал хьусса ччаву дирчІан къариртун, ядурну тІий, Аллагу Тааьлнал кІиттуршра щинал махь Аьрапат-Зунттуй чачІун бувну бур. ХІакьсса ччаврил къимат АллагьначІагу хьунмассар.

Аьли АЙДАЕВ,
«Аьтрилуд щатІив»
къиссалувацца «Таваккул»
тІисса бутІлува

Инт чуври ладиркІсса

Инт чуври ладиркІсса,
ДучІан чІал хьанай,
Инт нанисса ххуллу
Бакьассар чІалай,
КьатІув буккарчагу
Буссару бяхьлай.

Зунгурхха къакІулсса
Лахьхьу жул оьлил
Ца ххуйсса бярч бувсса,
БархІгу кІяласса
Щузурул лишангу
НентабакІрайсса!

Дири буккайна
Тти интнил буши,
Дуккан дувайния
Щюллисса чирчри,
Бярч итабакьаван
СсилитІру бишлан!

ПатІимат РАМАЗАНОВА

Яла мюрцими оьрчІлахь буккиара:

ЦулкІлун цукунсса планетар ччисса?

МахІаттал хьуну бур цулчІа,
цамур дуняялліясса хавардая:

- Цамур планетарив?
- Ди.
- Та планеталий авчиталгу буссарив?
- Бакьассар.
- Тамаша! АьнакІив буссарив?
- Бакьассар.

– Дакьар чувчІаврагу тІайлашиву! – кІуну ссихІгу лавсун, чайва тІар цулкІлуд.

– Цукунсса планетар цулкІлун ччисса, оьрчІрув? ТІайлассар, аьнакІив бусса, авчитал бакьассал!

МурцІув бацІан бувссара

Лахьхьу на, танмихІ буван,
МурцІув бацІан бувссара,
Циваннив, ссахлунури
Ттунмавагур къакІулсса!

На буттал «восьмеркалий»,
Руль чІалачІимур чулий,
Мюрач чичав устарну:
«Буттай, ххирара гужну!»

Ххарцив дував авурсса,
Махьру чичав на ххуйсса,
Вагь, буттахсса ччаврихлу
МурцІув бацІан байсарив?

Вячеслав ДЕДИНОВСКИЙ
Таржума
ПатІимат РАМАЗАНОВАЛ

На цимилагу социал сетирдай миннат бувссия лакрал агьулданухь, ттулва лакку мазрайсса кроссворд сакин дайсса бюхьу бакьахьувкун, кумаг буvara тІий. Ца Алексей ХІажиев увккунни кумаг буван, барчаллагьрай бура ванайн, укун, тарихгу, культурагу, литературагу, мазгу лахьхьин кабакьулунсса кроссворд дуваврихлу. Лахьхьин баврил дидактический материалданун хІисавсса кроссворд дур. ОьрчІангу, хьуниминнангу мюнпатсса. Ванил бигьашиву мури, ца махь къуртал хьанахьисса хІарпираяр хьиривмур махь байбихьлахьисса. Махьругу хІала къабухлахиссар (не пересекаются слова). ЦитІ бикІан бувсса ххутгайсса махь бувчІирча, 10 хІарп аьч хьанахьиссар, вай хІарпругу ливчІми махьру бувчІинсса, тІитІинсса кІуллри. ТІайлабацІу баннав!

Кроссворд

1			2				3	
	8			9				
	14					15	10	
		18			19			
7					21			4
	13		20				16	
6								11
					12			
						5		

1. Хьул, мурад.
2. Таржумачи.
3. Дарвачбишу, бакІкьукьу, забаний.
4. БакІ бичай къатта, парикмахерская.
5. «Нехру кІункІу тІий дур хьхьирийн...» тІисса И. Сталин-нухасса назмулуд авторнал цІа.
6. А.Кьапиевулуд насрулийсса назмулуд дайдихьу.
7. Ссавния зизайсса щинал кІунтІру.
8. ХІайваннул ягу инсаннал ттаркІ.
9. «Тяхьасса, чаннасса къини чІа чаймий, ЧантІ укяйра зу, лавай бизира...» (автор).
10. Ухссавнил Американаву-сса индейцынал къатта-къуш.
11. МахІаммад идавс (с.аь.с.) увсса къини дувайсса байран.
12. Машгьурсса лакрал шаэр-супийнал псевдоним.
13. Исламрал ххуллий жан

- харж дурма.
14. НацІу къадурну чай хІачІайсса къяйда.
15. Оьруснал машгьурсса чичул, чІявусса псевдонимру бусса авторнал мьяжансса цІа.
16. Кьурандалул луттирал лувдихьу.
17. КІирисса щинал ва ссихІирал кумаграйну чурххал марцІшиву дуруччайсса ва цІуллушиву цІакь дайсса хасьсса идара.
18. Буран, ураган, торнадо, бриз, зефир, муссон, пасат ва м.ц.
19. СВО-лий виричувшиврий жан харж дурсса лаккуоьрчІ.
20. Ци-дунугу ирсирай дуркма, шил-унугу мукьахьув.
21. Синтту дусса, чугурданул журалийсса машрикь аьшукьтурал макьанну дуцай алат.

Кроссворд сакин дурссар
Алексей ХІАЖИЕВЛУЛ

«ЧИМУЧИАЛИ» хІадур бувссар ПатІимат РАМАЗАНОВАЛ

Лакрал халкъуннал учаларттава

Бавнунияр ккавккун хын-ссар, ккавккуннияр кІулну хынссар, кІулнуниярду дурну хынссар.

Бугълул цила бакІрайн цила аьрици дичайссар.

Бусан кІуллив? Вичи дичингу лахъхы.

Буллу бутІуйн щукру бан аьркинссар. Ххуймуния ххари хьунгу кІулну бикІан аьркинссар.

Бурттий нанини, ахьттамагу даКІнин улуту.

Бюрххухъун бакІларайшиву дирину дур.

Бюрх бивнийн овратІугу бийссар.

БачІва къаллуд чІу бюхттулссар.

БариЦ бахълагайхту, ккачи хІап тІун бикІайссар.

Бястливур тІайламур ялун личайсса.

Бувгуния къабиххайссар.

БуриЦил къацІливу кІисса мабихъларда.

Бучивххусса ккачичугу цІурттайн хІап тІун бикІайссар.

Бисмиллагърацал ххав-ххун, алХамдулилагърацал дакъил хъанай.

Базаллувату мяърипат машиан ласун къашайссар.

БуриЦица яттихІух-чушиву дан къашайссар.

Бахилнан дигъалагру дакъассар.

Бюрххулгу ярулакьайссар, цуппа щинчІав ххал къахъун.

Хьунабакъавуртту Ялун нанисса никирая лайкъсса инсантал хьуншиврул

Вай гъантрай Бабаюртулал райондалийсса Сангардал школадул дуклаки оврчІан хьунни ххаллилсса бахшиш. Вайннашал хьунабакъин бувкІун бия машгъурсса спортсментал ва бусравсса хъамал.

сун, зятугу лайкъсса инсантал хьун аьркинссар. ХІарачат бара зува язи бувгъусса хияллу дузрайн буккан буван. Тгун хьинну ччива



Хъамаллуравух бия Дагъусттаннал информация ххал бигъаврил центрданул цифровой трансформациялул проректор Аскандар Аркаллаев, МахІачкъалалал 49-мур школалул директор, дзюдорал Федерациялул вице-президент Аьвдулкарин Айгунов, боксрал шамийла дуняллул чемпион, Лондоннай хьусса боксрал олимпий тІуркІурдал призер, АьФ-лул спортрал лайкъ хьусса мастер МахІаммадрасул Мажилов, дзюдорал спортрал дуняллул чемпион, дуняллул халкъуннал спортрал мастер МахІамма МахІаммадов, дзюдорал Европанал первенствалул кІийла чемпион, ГъазимахІаммад АхІмадовлул цІанийсса спортшколалул директор, МахІачкъалалал шагърулул мажлисрал депутат Шамил МахІаммадов, шамийла дуняллул чемпион, Европанал грэплинграл шамийла чемпион Увайс Нажуев. Спортсментурал дуклаки оврчІахъ бувсуна цала оврмулия ва спортрал карьералул ххуллийсса хъхьичІуннайшивурттая. Мероприятиялийн бувкІсса хъамаллурахъ ва дуклаки оврчІахъ барчаллагъ увкуна Аьвдулкарин Айгуновлул: – ХІакъину дуклаки оврчІашал хьунабакъин, вайннан насихІат булун овьквуссия жагъилтурал данив сийлийсса, цІанихсса спортсментурайн. Оврмулуву ва жяматийсса иширттаву хъхьичІун ливчусса, бусравсса инсантурая эбрат лар-

зютугу халкъуннан бусравсса, хайр бусса инсантал хьуну. Умуд бур ва хьунабакъавугу зун мюнпатрансса хьунссар тІисса, – увкуна Аьвдулкарин Айгуновлул.

Шиккува кІицІлаган, Аьвдулкарин ур «Жагъилтал жула бучІантІимурди» тІисса тарапгу дургъуну, агъамсса давуртту дачин дуллалисса инсан. Хьуннасса къулагъас дуллау ур ва цІанасса чІумал дуклаки оврчІру аьркин бакъасса иширттавахъ хІала хьун къабитаву ва ххуй дакъасса тІуллая буруччаву мурадрайгу. Ва жагъилтурай цими бусса, вайннан ка-кумаг буван хІадурсса каялувчи ушиву тасттикъ хьунни ва ххуллухъ сакин дурсса ххаллилсса мероприятиялийнугу.

Сангардал школалий 10-хъул шиннардий директорну зий ивкІссар Аьвдулкариннул ппу (аьпа баннав цал) МахІаммад Ризауттинович. Цана вава школалий ниттил мазрал дарсеру дихълай бур ДР-лул лайкъ хьусса учитель, АьФ-лул хІурмат бусса зузала, Аьвдулкариннул нину, ПатІимат Айгунова. Ванил буниялагу хьун-масса захІмат бихълай бур, дуклаки оврчІру мазгу, миллатгу ххирану тарбия буллау.


ПатІимат Айгуновалгу цила чулуха даКІнийхтунусса барчаллагъ увкуна хъамаллурахъ.

Имара САИДОВА

МАХІАЧКЪАЛА

Гъавалул тагъар

ГЪУМУЧИ



Газета «Илчи» (Вестник)

Учредитель: Агентство информации и печати Республики Дагестан

Хьунама редактор: Къардашов Р. Аь. Тел.: 66-00-59

Хьунама редакторнал хъиривма: Башаев Р.М. Тел. 66-00-59

Редколлегия: Адамов АьбдурахІман МахІаммадович Аьбдуллаев Сапарбаг Аьлиевич Аьлиев ХІажі Сулайманович Исрапилов Артур Анварович КъурбанмахІаммадов Чанкура Рамазанович Маммаев Сулайман Нурагтинович МахІаммадов Юсуп ХІамидович Хаппалаев Аслан Юсупович Хасаева Гульшан Рамазановна ХІажимирзаев Зиябуттин Абусупиянович Шалласуев Шалласу Рамазанович Эльдарова Роза ХІажиевна

Отделлал редактортал: Аьбдуллаева А. П. Аьдилов ХІ. А. Рамазанова П. ХІ. Тахакъаева З. К.

Корреспондентъгал: АьбдурахІманова З. Т. Аьлиева Б. Д. Саидова И. А.

Корректор: АхІмадова А.И.

Кказитрал компьютерданул цех: Абакарова К. Н. ХІажиева З. У.

Кказитрай дурксса макъаларттаву кІицІ лавгмур тІайлашиврул жаваб дулайссар чивчуманал. Редакция макъалалул залуннал пикрилий рязину бакъахъурчагу, макъала рицайссар, жяматрал цаламур пикри бусанссар тІисса ниятрай. Кказитрайн дуркІсса макъаларттайн рецензия къачичайссар ва ми залуннахъхьун зана къадайссар.

Кказит буккайссар ножмардий цал. Шинай итабакъайссар 52 номер.

Кказитрал индекс. П7046 Тираж – 2002 экз.

Адрес редакции и издателя: 367018, г. Махачкала, пр-т Насрутдинова, 1а e-mail: ilchi@etnomediadag.ru http://ilchi.info Тел./факс. 66-00-59

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос». 367018, РД г. Махачкала, Пр-т Насрутдинова, 1а Срок подписания в печать 19.00. Подписано 19.00. Цена свободная



4 651116 280051